

DOCUMENT SUPPLY
National Library of South Africa
P. O Box 397
Pretoria
0001
South Africa

Please note the following:



This is the best available copy



This article is very tightly bound



Some pages within the original article, are advertisements and have therefore not been sent
Advertisement pages:



Some pages within the original are blank and have therefore not been sent
Blank Pages:



The article you require, is on different pages to those that you have quoted



Copyright violation

National Library of South Africa
Copyright Warning

The Law on Copyright, 1978, regulates the production of photocopies or other reproductions of material subject to copyright.

According to the stipulations of the Law, libraries and archives are authorized to supply photocopies and other reproductions.

According to one of the stipulations of the Law, photocopies or reproductions, may however, not be used for any other purpose than that of private study, personal or private use.

Should a user request, or later make use of a photocopy or reproduction, for purposes not allowed by the Law, the user may be held liable for the infringement of copyright.

This Institution reserves the right to refuse any order for a copy, should the execution of the order, in the opinion of the Institution, lead to the violation of the Law.

STATUS
Considering 01/17/2022
SOURCE
WSILL
BORROWER
OI@
LENDERS
*X\$@
(6520)

TYPE
Copy
REQUEST DATE
01/17/2022
RECEIVE DATE

OCLC #
85967357
NEED BEFORE
01/27/2022

N



211612841

DUE DATE

BIBLIOGRAPHIC INFORMATION

LOCAL ID

AUTHOR Mqhayi, S. E. K.

ARTICLE AUTHOR

TITLE UMqhayi waseNtab'ozuko

ARTICLE TITLE

IMPRINT Lovedale : Lovedale Press, 1939.

FORMAT Book

ISBN

EDITION

VOLUME

NUMBER

DATE

PAGES All pages please

INTERLIBRARY LOAN INFORMATION

ALERT

VERIFIED WorldCat (85967357) Physical Description: 87

MAX COST OCLC IFM - 122.50 ZAR

AFFILIATION Calico

COPYRIGHT US:CCG

LEND CHARGES

SHIPPED DATE 01/17/2022

LEND RESTRICTIONS

FAX NUMBER +21 6503113

EMAIL ill@uct.ac.za

BORROWER NOTES Article Exchange or Email or Mail as applicable

ODYSSEY

ARIEL FTP

ARIEL EMAIL

BILL TO Interlibrary Loans Dept (Main Library)

UCT Libraries, University of Cape Town

Private Bag X3, Rondebosch

Cape Town, ZA 7701

SHIPPING INFORMATION

SHIP VIA Article Exchange / Email / Mail

SHIP TO Interlibrary Loans Dept (Main Library)

UCT Libraries, University of Cape Town

Private Bag X3, Rondebosch

Cape Town, ZA 7701

RETURN VIA Library Mail

RETURN TO

, US

18/01/2022
MM

XHOSA

UMQHAYI WASE- NTABOZUKO

IBHALWE NGU-
S. E. KRUNE MQHAYI

THE LOVEDALE PRESS
1964

INTSUSA-MABANDLA.

Ndifikelwa sisicelo esikhawulezileyo, esivela kumntu omkhulu waseNtshonalanga, esicela ukuba mandikhe ndenze wona la machaphazana ndimenzele. Ukwenjenje oku ke kukuphendula eso sicelo.

Enyanisweni mna ngokwam ndandise ndiwenzile amaphepha athile awo lo mcimbi, endiya kuthi ke ndiphathen dicaphula kuwo, ndiphathen disongeza.

Intshayevelo yaho yayisenjenje:—Andazi—ndiyazi kodwa ukuba ngenye imini ndiya kuhlanganisela kwabakowethu. Kuya kuthi ke mhlawumbi kubekho bathile abaya kuthi balive igama eli, baze banqwenele ukuva ukuba ngumntu owayehleli ubomi obunjani na lowo. 'Uyintoni na wona umsebenzi wakhe? Evelaphi na? Waza wemka esishiya nantoni na sona isizukulwana nesizalwane sakhe, kwanunye nabantu bakowabo, njalo-njalo. Ngayo ke le migcana ingeyakoni, ndihlangabeza loo minqweno.

Kucacile kurn ukuba bakho ababeya kuthanda ukuyenza le migcana; noko ke andisongi bona ngokwenjenje oku.

Andinakulibala ukucela uxolo kwiziza-mva zethu, ngokungazilungiseleli ngokumalunga nenqubela-phambili nentlalo entle, namasa, njalo-njalo; ndithi:—“Bantwana bam! Intlalo yethu yayingeyiyo yobomi, yaye iyeyokufa; iyingxovu emnyama, engenamva namphambili! Nokuba sibe sithe saphila sakho, nada ke nani navela nakho, uThixo uSomandla makabulelwe.”

Akwaba angathi la manzithi-nzithi, namakhandilili nala mabona-ndenzile obu borni, abe aya kuba sisilumkiso, nemfundiso, nesiylekiso kuni.

Owenu enkonzweni yesizwe,
SAMUEL E. KRUNE MQHAYI.

ENtabozuko,
Berlin,
EAfrika eseZantsi.

ULUHLU LWEZAHLUKO.

					<i>Iphelpha</i>
I.	IMvelaphi	5
II.	UMlibo	9
III.	UMqhayi waseJadu	12
IV.	ONyana bakaMqhayi	19
V.	USamuweli	27
VI.	UbuNcinane	33
VII.	KwaCentane	43
VIII.	EMfundweni eDikeni	51
IX.	" Yithi, ' NdiyiNdoda ! '	58
X.	UkuyiShiya iLovedale	62
XI.	NgaPhandle eLizweni	65
XII.	ENtabozuko	74

ISAHLUKO I.

IMVELAPHI.

Intetho nemballi yesizwe esingabhalayo ayilandeleki kakhule ; kuba incempambano neempikiswamo ezininzi, ezingenziwa ngabomi, ezenziwa kukulahlekla. Wothi omnye ebekuxelele le, afike omnye ayikhulule leyo, akumbasic yimbi. Ude ke ngoku wena, mntu ubuzama ukubhala into ethe ngqo, ukhohlwé, kuthi kuphi kaloku, use uhamba nawe usanekisa, usunisela, uthelekelela ; kuba umlibo othe tse, nebali elithe ngqo, azisaqondakali ezo nto.

Abafundi ke ngoko bosixolela bakhumbule ukuba sihamba indlela cbingahanjwa ngobawo, enobobo, nohlololwane, eneziphunzi nezikingqi ; bangamangaliswa ke ngoko kukugqwidiwa kwethu.

Iqinisekile yona into yokuba thina maZima singaba-Thembu. Imvelaphi yetlu iseba'Thenjini aphi ; nomlibo wethu ke ngoko ukunye nowendlu yaKomkhulu cha'Thenjini ; zinye nezinqulo phambili.

UMfundisi uJ. M. Gqamana.

Kung'alunga ukuba ndithi kwałapha ekusukeni ndikhe ndibekе ingxelo kamfi, uMfundisi uGqamana, ngamaZima. Lo mphakathi uhambe kakhulu kwiindawo ngeendawo ; ubesel' esaziwaphi naphi. Saye isizwe sivumelene ngaye, ukuba 'uyindoda endala, nenolwazi ngemilibo yezizwe ; liciko elivunyiweyo jikelele kumaXhosa nabaThembu.

Umfundisi lowo waye engumKhuma—um'Thembu ke ; igama lakhe inguDyantyi Mtoto, into kaGqamana, kaPetse, kaGubudu, kaQam, kaMhalana, kaMbanzi, kaGcumeha, kaMbalawexhama, kaMbathane, kaMatshaya, kaKhuma, kaMthi, kaMkhondwane, kaDabuko.

Uthi umfundisi lowo, oyise boyise, besuka kwelo lakowabo lamaXesibe, ngokulandela iinyamakazi, bada baza kufika kweli labaThembu. Bafike kwelo kusaliwa ngezikhwili, kungekaziwa nto ngezikhali, nokusetyenziswa kwasinyithi.

UZima.

Bafike kwelabaThembu ubukumkani bubanjwe ngunyana wokumkani, ingxwenga ende kunene, emehlo abomvu, ekuthiwa igama layo nguZima ; into kaNxekwa, kaNtoy kaCedume, kaBhomoyi, kaThembu.

Ingxwenga leyo yayibambele unyana womkhuluwa wayo ebukhosini. Kuloko yayingasavumi kumshenxela, naxa inkosana leyo yayise ifikile exesheni lokuba inikelwe iintambo zobukhosini. Isizwe sasiyoyika kakhlulu ingxwenga leyo, kuba yayiphahlwe ngabaninawa nezininawa ; kungekho bani ke ngoko unabuganga nabugagu bakuyichukumisa. Kwaba kuphela abantu bamana ukuzidumzeleta ngasese. Umfundu uya kukhumbula nakanjalo ukuba ezo mini yabe iziimini zolawulo lwamandla.

Athe akuba efikile amaKhuma, efike esisizwana esingephi samaXesibe, aluva uhlobo lokuma kwezinto, aye wona enazo iintwana zezikhali, kwanolunye ulwazi lokulwa olungasese. Bathe abaThembu bakuqonda ukuba la madoda anemfundo yokulwa, nezinto ezitsolo, bawanondeza bucala, benza nawo iblunga nemvumelwano yokushenxisa inkosi le kule ndawo ikuyo.

Bakhawulezisa abaThembu bayirola nemazi yenkomodo, umbokazana apha osinxiphothazana, ogama kwakuthiwa nguMayebabe. Le nkomo ke yayifunwe ngamaXesibe, ukuba enze amafutha omsebenzi lowo, ukuze uhambe kakuhle, kwanezinye izinto-y,into zokhafulo, ezzine ngeendywala, ezisetyenziweyo, eziza kwensiwa ngamayeza aza kudityaniswa, kuba isizwe eso sasinolwazi ngakwelocala. Umfundu wophawula ukuba ekokubeni aba bantu

besengabafiki kweli lizwe, akukabikho liso laKomkhulu lijonge zenzo zabo ; kusalindelwe nje ukuba bachola-chole izinto zokuphila, bahlambuluke.

Emva kwamlungiselelo amade, namatile-tile angenganganto, kube kwabonakala ukuba, hayi ngoku, umsebenzi ung'aqhutywa. Kwenziwe utsywala obuninzi kunene, baxutwywa, bugalelwaa ozingcolo, ozintibane nezinye iintwana-ntwana ezityhafisa ingqondo nemithambo. Kubiywe neentango zamatyé, apho kuya kuselelwa khona, kwatshiwo ngeengquthu ezinqabe kunene.

Kwakuba konke kufceziwe, baye bacelwa aBablekazi, ngembekokazi engahlali isihla, ukuba baye kwisidlo abasenzelweyo ngabakhonzi babo.

Okunene weenjenjeya ukumkani, nezininawa zakhe, nephahlathi lamaphakathi climphahlileyo, ukuya esidlweni sembeko. Bafike abaNgaka batsho thande esazulwini sesikhinindi, njengokwezolo nezol' elinye. Zihanjiwi ke izidlo, kwathi kwicala laKomkhulu, kwahanjiwa kakhlulu ezisetyenziweyo ; athi ubani obiziwcyo waphuziswa, abeke nje umlomo, angeyeli.

Kwalile ekuhambeni kwexesha, kwaqondakala ukuba " Umgxube uyavuthwa," njengoko isithetho sitshoyo ; kwabonakala sekukho abozelayo ; yathi inxenyenewa kwaba nzima nokusuka, yafa amadolo kwayiloo nto ; thobo, thobo, yangathi nengqondo ngokwayo yenzakele kwinxenyenewa.

Waqala kaloku umThembu wabona ixesha lifikile, wee tyaa omnye ngoshiyi komnye, wee qwaba omnye ngeliso komnye, nomnye komnye ; wee dum omnye kongaphaya kwakhe, nomnye ngokunjalo komnye. Yeka kel! Yaba yintunta-nja leyo, engabanga nasiphelo !

Ubonakele umkhosi obungaphandle ulungiselelwa, ufunzwa, wangena ugxiselene, ugqakadula, uhamba kangaka ! Kuthe Hi-hi-hi-i-i ! Ha-ha-ha-a-a ! Hiki ! Hiki ! Hiki Hiki ! Ngalo lonke elo xesha umkhonto uydla emntwini ;

uyabofula, uyadovuda, kwezo nto sezife kade. Uthe obhungcileyo ongumZima, nongumphakathi wawo, wabhungca ngezikasibi kwezo ntango zamatyel ziluqilungwane ! Yek' oko ukubhazalala, ukusinga kwiimbombo zone zoomhlaba !

Amanye amaZima abhacela kumaMpondo namaMpondo-mise, amanye asinge emaXhoseni. Aphuma ngayo loo mini amaZima ebukumkanini basebaThenjini. 'Utsho aqukumbele ke umfundisi lo ngelithi, " Kanti ke noko, ndide ndibe ngakanje, andikamboni umZima ongekhona kwisihlalo sembeko apha akhona, kuba nasebaThenjini, apha ayechithwa khona, akazange ayekwe ukuhlonelwa, nokubekwa."

AmaZim—AmaGongqongqo.

Kukho elinye igama endiliva futhi elithi amaZim. Livakala futhi ke lona ezintsomini ; kuze kubuye kuthiwe ke, amaZim lawo ziziDlabantu, okanye ngamaGongqongqo. Idla ngokuthi ke yonke loo nto iz e kuditianisa kuthi maZima, kuthiwe sithi abo babesitya abantu. Andazi ukuba abantu abo sasibatya ngeli xesha lokuchithwa kwethu na. Phofu ke sasic singamaZima kakade ke thina; sizibiza ngegama lenkosi, eyayingubawo, umawokhulu womawokhulu bethu.

Intu yokuthi abantu bakuphanza batye abanye abantu., yinto yezizwe zonke, neziMhlophe, nezinjani. Ikwayinto yabantu ukuthi, bakuva iphango lendlala, batye abantvana babo, okanye batye abanye abantu. Kudla ngokuthiwa ke abo bantu benza " ubuZim."

Kufanelekile ukuba mandiliyek apha eli gama kuba nakowethu andizange ndibone, okanye ndive, ndoda isisigwenqu-gwenqu, isilwa namntu, kuba ethe iliZim, okanye liGongqongqo, okanye sisiDlabantu. Ewe, asinto sinathyude lokuyiphika ; endaweni yoko sisuka siyeke, sivume

ukuba, ewe, sayc siziziDlabantu namaGongqongqo kudala, xa nitshoyo.

Ndakha ndada ndeva omnye umZima, u'Thisani Sinam, esithi ebantwini ababekwamqhula ngaloo nto yobuZim, " Ewe, isisimanga le nto yokudunyiswa kwethu, nokushunayelwa kwamaZima kuzo zonke ezi zizwana, sishunayelwa ngamaxhegokazi kubazukulwana bawo, ukuba mabakhule besazi. Othi nala angamaKholwa kaKristu, anganeli kukushumayela uKristu ; asuke nawo athi akugqiba ukuthandaza, ubone ngawo ecima isibane, selesithi, ' Kwathi ke kaloku amaZim ! '

Ukutsho ke, kukuthi eli igama lobutZim, andinanto ndithetha yona ngalo, andilazi. Kodwa ke, ukuba iZim ngumntu otye inyama yomnye unntu, aze ke lo mntu asel' eba kwangumZima, singaba sibaninzi thina maZima ehlabathini ; kunjalo nje, singaba sikho kuwo onke amabala-bala ezizwe zehlabathi.

ISAHLUKO II.

UMLIBO.

" Iingcambu zomntu ngoyise boyise."

Sise sitshilo ukuthi, abhaca ke amaZima, abhacela kwizizwana zonke anokuya kuzo. Kanti noko ungathi uzibonile iingqili zemizi yawo ebaThenjini kowawo, ubuye umangaliswe ukuba ngawaphi na lawa kuthiwa abulawa, athi naseleyo abhacela ezizweni.

AbaThembu bona babengatshabalalisi maZima ; babe-khwelelisa laa mntu ungavumiyo ukushenxa endaweni engeyiyio eyakhe ; wakhwelela ke.

Ibingaba yintoni ngoku ekwabanye, abangathethi lutho ? Okunene abaThembu babengazizingelayo iintloko, abaqondayo ukuba zinga, buya zenze inkathazo yebango. Nazo sinenkolo ukuba azibanga sathanda kuhlala, kuba

zaziyazi loo nto ; zasele ke ngoko zisuka zichila, kwaba kanye.

USheshegu.

Phakathi kwezaba zinto zemka zaba zimkile ebaThenjini, kwabakho ngxilimbela ithile, igama kwakuthiwa ngu-Sheshegu. Yinto leyo ekuvakala ukuba yajojomeza, ayabheka ngasemva, yada yayakumisa kwizwe lemiDange, oMantla, Mahote noNginza. Ngaloo mihi laizwe lemiDange lalithabath ezi ndawo sithi ngoku ziyi*Middle Drift*, kwa ukungena kweTyhume eXesi, yek' oko ukusingisa emaBhofolo, Khobonqaba, Nyara, kude kuse kwezo Ntaba zoNojoli, kwaSomasethi.

Apho wafika wagxumeka khona uSheshegu lowo, into ka-Dlwedlwe, kukwelo zwe, lase lisuka libizwa ngaye, kusithiwa kuseSheshegu, kwisiqingatha seDike. Ukubizwa kwelizwe ngegama lomntu othe waba ngummi walo, yinto ekhoyo ; ikho ngakumbi kuthi maZima.

Kwakuyo loo nto kukho umbuzo othi, elo zwe lilizwe awafika loo mntu lingenagama na ? Kanti ke hayi, liy-sindwa elo igama, liphele tu, kuvelele elo lommi lowo. Bendithe loo nto ikho kakhulu kumaZima : ndithetha ngeendawo ezinje ngoBonkolo kwaKomani, ezinje nge-Qamatha ngasesiDutyini ; zikho nezinye ezaba njalo.

Akuba egxumekile apho umnumzana lowo, kwathontelana ngakuye into eninzi yamawabo. Andingeze nditsho nokuthi kungokuba wathi wafuma na, le nto athontelana kuye amanye amaZima. Mhlawumbi waba nenyhweba yokubusiswa ziinkosi zemiDange ; mhlawumbi waye engoyena mkhulu kubo ngegazi.

Into yodwa yokumka, abe umkile ebaThenjini, iya-mhleba ukungathi, wayekwelo nani linamabanga ebukhosini, elalisoyikwa ngabaThembu.

Kwesi sithuba, ngathi kufanelekile ukuba sidwelise umgca womlibo, kangangoko sinokuphanda sicholachole,

sinceدوا apha nayincwadi kaColonel Maclean, eyi "Compendium of Kafir Laws and Customs." Lo Makeleni ke waye cyiNkulu yecMantyi zelasemaXhoseni naseba-Thenjini, waza wathabatha inkxamleko yokuchola-chola imilibi yeenkosи zezizwe zaloo mhlaba, namasiko nemithetho yazo, kwanezithethe nemikhwa.

Umgca kaSheshegu ukususela ebaThenjini kuThembu wenjenje.

UThembu uzele uNdilo, ozele uNtongakazi, ozele uCedume, ozele uBhomoyi, ozele uMguti, ozele uNxekwa, ozele uNtoy, ozele uZima, ozele uTimana, ozele uZikhonkwane, ozele uNyankwezi, ozele uMgana, ozele uLanga, ozele uDlwedlwe, ozele uSheshegu, ozele uMqhayi, ozele uKrune, ozele uZiwani.

Sise sitshilo ke ukuthi, abe emaninzi amaZima athe eza kuba phantsi koSheshegu, akuba emi kwelo zwe. Amany alandele sekukudala emva kwenkcithakalo, selevela kwezinye iindawo ; amanye athe, ngokuza kwendisa amakhosazana asebaThenjini kweli lizwe, asel' esuka eba ngabemi, akufika kukho amawawo ngaphambili.

Ayibanga ngamaZima odwa athe enjenjało. U'Tom Cholani, umVundle (umThembu,) obeseLovedale, ube-hlala exela ngokufika kwezizwe zasebaThenjini, zifikela kuloo mzi kaMqhayi noKrune, abaThembu ababese bethe baba zizigxina ebukhosini balapha kwaPhalo.

Ekubeni ke ngoko amaZima engandulanga abe maninzi kweli lasemaXhoseni, imilibi yawo ethe yafika ibikholsa ukwazana, ilandane, oko abantu babesalandana. Kungoku asel' ethe amaZima anda, aphalalana, akaba nakho ukulandana, sekundawonye nokuba ngale mihi la abantu abasazani, beba basisinqe esinye.

ISAHLUKO III.

UMQHAYI WASEJADU.

Ebukumkanini bamaXhosa, akukho nto ibisakumenza mkhulu umfo, abc negama, njengokuthi kuhlale, kuhlale, kubekho abantu basemzini abangena apha ebukhosini. Ibusa elingenabantu bangena ngalo, belingaxabiseke kuyaphi : kuba kaloku ngaloo miha, ibiyimihla yemikhosi, zaye iinkosi zishiyiselana ngabantu.

Kanjalo asikuko nokuba babenqabile abantu ngezo mini ; kuba nangani indoda ibiba nemani elithile labafazi, ibingento ungasumane uyibhaqe uwelekehlane nowalala lwabantwana emzini, njengokuba kunjalo nje kule miha. Kwaye ukungazali kungaqondakali kakuhle ukuba bekunyanyekelwe kuyaphi ngokunyangwa. Bekusuka kuphangwe, kumiselwe ngomnye umintwana womnye umfazi. Abe namachule okumisela ngathi ebenqaphazeka kanobomi.

AmaXhosa kanjalo ibingabantu bezisusa neziyolo zemihla ngemihla. Baye bengamahomba, namahombikazi, asukela phezulu kwizinto zemihla yogayi. Umfo ebengathandi ukuhamba yedwa, eyishiya ngaseniva intokazi kaNantsi, isithandwanekazi sakhe, umfazi womhombo. Loo nto ke yenza ukuba kuthi ukungazali komfazi, ngakumbi isithandwanekazi, kungabi yinto ebuhlungu buqaqambayo.

Njengoko ke sesitshilo, uSheshegu, uyise kaMqhayi, ubeneqela lamaloda asemzini angene ngaye. Wathi ke ngoko, noko ngathi ngumfiki, akaba sabonakala ukuba ungumfiki ; wahle wazuka, wanegama phakathi kвесизве. Ukuthi qalulu kwakhe yena unyana lo, uthe qalulu sele-saziwa ngenxa kayise. Uthe naye akuba evelile, wazibalula ngeendawo azibalule ngazo, waba vindoda esephakathini.

UKumiwa koMhlabo.

Kukho imbuzwano enku^{lo} ngale miha yethu, malunga nokumiwa komhlabo. Kubuzwana ukuba umhlabo lo

ubuthengwa na ngaloo miha. Zaye izimamhlabo ezi bezisakuthini na, ukuze nje zilawule iintlanjana, nezithili, nemimango ? Impendulo yethu kuloo mbuzo, kuba asikuwo, ayizi kugoca-goca. Umhlabo awuzanga uthengwe kumaXhosa manditsho lula ukuthi, nakumaAfrika onke, kuba umhlabo lo ngoweso sizwe, kunye nenkosi yaso ; waye kanjalo wona ibiyinto eyindyebi enku^{lo}, ekungazi-wayo ukuba iza kwenza ntoni na.

Ubesakuthi umntu ofikayo esizweni, nokuba ungene ngezihlobo zakhe kweso sizwe, aye kumphathi waloo ntlanjana, nokuba yinginqi—osisibonda ngezi mini—asike azixele into angayo. Umbuzo ke ubusakuba mnye ube ngowokuba, ubon'ephi na ke indawo ang'athi agxumeke kuyo uluthi. Ubesakuthi ke akuba ewalathile ummango (nangoku ke kusenjalo), kufunwe ukuqondwa kubemi abasondele kuloo ndawo, ukuba loo mntu akayi kuba sisixakaniso na. Ukuba sikho, wobona enye indawo; kuthi ukuba asikho agxumeke.

Sesitshilo ke ukuthi, umhlabo le ngezo mini yeyona nto ibiyindyebo, kung, aziwa nokuba uza kwenza ntoni na. Ngako oko ke, indoda ethe yathanda ukuya kuzimela yodwa, nokuba kusentilini, nokuba kusemmangweni, ibisenjenjalo ; igcine kodwa ukuzihamba iimbizo zakomkhulu, nokunikela iminikelo eyimfanelo.

Enye indawo ema iqondakale, yile yokuba, xa umXhosa alatha inxowa lokuma, usakuba sel' esalatha nengcwaba lakhe, netempile yokunqulela u'Thixo uSoMandla, aza kuya kuye ngeminyanya yakowabo ; usakuba selesalatha neendawo ezomileyo zokugcina ukutya kwakhe. Esenjenjalo nje ke, umXhosa uyazi ukuba uya kungcwatyelwa kuloo ndawo, ukuba akathanga achithwe yimfazwe, okanye, zezinye iinkcithakalo. Nto iyiyimbi eng'athi imsuduse kwelo nxowa kukusuka lingabi namgqeku ; kuthiwe ke, "Linxow' elif' amathole."

Kanene ndithethe nangetempile kumzi womXhosa ?

Ewe, kukho indawo cyingewele kumzi womXhosa ngamnye—inkundla yobuhlanti beenkomo ; apha onke amatheko angewelete enzelwa khona. Amatheko anje ngantoni ? (a) Kaloku mhla intombi yomXhosa iya kwenda, isawa emzini, into yokuqala kukuya kuguqa ebuhlanti, yamkle khona iziyalo koyise ; yandule ke ukuhamba isuka apha, ingabi sangena nasendlwini. (b) Mhla unyana womXhosa abuya endle, esuthwini, uya kwandlalelw ukhuko enkundleni, amkele izijalo emadoden. (c) Mhla lo nyana azekayo, umtshakazi uya kukha eze kunyathela kule nkundla, esimelela ngomkhonto, aya kuwushiya uhlatiye apha ; kanye njengokuba sibona ngale mihla umtshakazi wasemLungwini ecanda isonka somtshato. (d) Nayiphi na ke into ezukileyo yasekhay' pha iyakwenzelwa, okanye ithethelwe, enkundleni. (e) Mhla afayo umnini weli khaya uya kungewatyelwa enkundleni, kuthethwe amazwi azukileyo xa angewatywayo, anje ngala athi, "Wakusikhangel nathi, apha eNyangweni ! "

ESheshegu.

Mandibuye eSheshegu emcimbini wethu ndithi, kwesi sithuba ke umfundu olaziyo elo zwc laseSheshegu, angakhe afune ukuqonda ukuba umnini-gama lowo ke wayefingwafingwa yintoni na, ukuze nje azicishele elo zwe. Kuba ngathi libi, alinamasimi mahle abonisa inkumo. Liyintlabathi, namatyholo egcegceya, negwanishe ; kube kungekho namlambo mkhulu wokuseza impahla.

Umfundi lowo ke wophawula ukuba into yokujonga umhlaba wamasimi, yeyona nto isekuggibeleni kumXhosa; kuba ukutya kwakhe yinyama namasi. Iinyamakazi azinganganto kwelo zwe. Amasi akwanjalo, kuba iinkomo zitya amagwanishe ; azibalelelw langa kuyaphi ; ubusi abubuzwa. Ube ukho umlambokazi oyiNgwenxa, obe ungtshi oko, nokuba ukhe utshe ngezi mini ; waye wona ungekude

Umbona, namazimba, neminye imifunwana ezizilimo, ibizizityo zosapho lwasetyhini ezo, ngexesha olungafikeleliyo emasini.

Ndiyakholwa ukuba le ndawo ise iphendula nendawo esisigxeko kumaXhosa, ekuthiwa akalimi ; kulinywa ngabafazi, ibe indoda ithe ngcu yambethe ingubo, incokola, imana ukushenxa akusondela. Umntu xa atshoyo akaqondi ukuba umfazi usakuba ezilimela yena yedwa, into yokuba atye xa angatyi masi. Into yokuba lapha kwendoda yimbeko kuye ; kwaye kungaba lihlazo ukuba uSobani abonwe ethabatha umhlakulo egaba. Ngala machaphazana sizame ukubonisa ukuhunga kwelo zwe kubemi balo bezo mini ; kanti naba bakulo ngezi iimini abanqweneli kufuduka.

INdoda enguMqhayi.

Besisatsho ke, bafundi, sisathi uMqhayi unyana kaSheshegu uthe qalulu yena sel' eyindoda eyaziwayo ngenxa kayise ; waza naye wazibalula ngezizezakhe izimbo. Asingebe nakumnceda umfundu kwinto yokuba, umphakathi lo uzalelw kweli lizwe lakwaRarabe na, nokuba ulibone ilanga kwakwelo lakowabo lasebaThenjini.

Umntu omde ubexabisekile ngaloo mihla, ude uve xa kuthethwa ngeentokazi zomdudo, iintokazi ezikhulileyo, ekulindeleke ukuba zizale abafo abade. Lo mphakathi ke, sibhala ngaye ngoku, kuyavakala ukuba wayekhule wagabadel ; masithi ube kwiinyawo ezsixhenxe, kwanjengoyise, noyise boyise. Kwaza kwathi kunjalo waba yimvumi, wayintyulubi--izinto ezo ongeze ukhohlwe zizo nakwizizukulwana zakhe, nokuba kungasekho bakhoyo konke ngasekududeni nasekutyhuluben.

IGazi likaGinya liyaThetha.

Kwesi sithuba asiyi kuba siphumile emgceni, ukuba sikhe sathi chapha kwibali elibi, elakha lenziwa ngama-Zima komnye umZima, kweso sithuba saseSheshegu.

UMakhaphela kaNoyi (uBalfour), umKwayi, ude wafa eyindoda enkuIu, eminyaka ifikileyo ekuIulwini, esahamba umzimba akufika kwelo bali.

Uthi, athi amaZima ekubeni ethle xangxe ukuma ngase-Sheshegu phaya, kwabe kukho siqubenge somZima, ugama bekuthiwa nguGinya. Lo mfo sisityebi, kodwa uyavimba into leyo ebingenakunyamezeleka ngezo mini ; abe lo mfo engatheni nakukuya emthethweni Komkhulu, engatheni nayiminikele yaKomkhulu. Ade amawabo abona ukuba ulihlazo kuwo, abhunga ukuba anthethise.

Okunene ngamhla uthile kuye igqiza elithile emzini wakhe, emini yakusasa, xa asengayo. Uqonde kwa oko ukuba eli qela alizi nganto intle ; kuba lithe noko linecazancaza macutya-cutiana, kwabe kukho amahum-hum angasese.

Ibali lifika lahluke kubini apha. Bathi abanye waqu-tyulwa esasenga njalo ; bambi bathi kwaxhelwa ithole lenkomo, kwathiwa makajole. Uthe esaqondele ejola, waqutyulwa. Nokuba yiyiphi na ke eyinyaniso, kodwa umfo lowo wazihlanganisela ngamandla, langamachithi igazi phakathi kwekhaya apha ; esophisa, besophisa nabhanganyeli bakhe. Bada ngelikade bamoyisa ngobuninzi, bambulala wafa.

Athethiswa kakhulu loo madoda Komkhulu, adliwa ; kuba oku akwenze engekho noMqhaye, isikhulu sabo. Phezu kokudliwa liKomkhulu, la madoda aphindile ahlelwa lelinye ilishwa lokuthiwa nyhatye onke emfazweni kwimikhosy yabeLungu, akwabakho nawokuya kubika.

Yaba sisothuso esikhulu esi esizweni, langa elo lishwa libangelwe ligazi likaGinya. Akuphelanga aphi ; kubekho izothuso ezininzi ebantwini ngenxa yelo gazi likaGinya. Inzala eninzi kunene neyaziwayo yakwaKoti, into yakwaGwali, yangenwa liLizwi, ikhala isithi, " Igazi likaGinya liyathetha."

UKrune, unyana kaMqhaye, naye waba kwayiloo nto,

walamkela ilizwi mhla lafika, kwangokoyika nokungcangcazel, ethetha kwangeli gazi likaGinya. La makholwa ada afa ekholiwe ; nenzala yawo emva kwavo, ayibanga sathandabuza. Wenjenjalo u'Thixo ukulilungiselela kwakbe iLizwi ezintliziyweni.

UMqhaye unyuselwe.

Kuthe kuphi, uMqhaye wahluthwa nguNgqika kwimi-Dange, wamngenisa ephakathini lakhe, wangumNgqika. Uya kuqonda umfundsi okokuba ubukhosana bakwamDange bukwaphantsi kwephiko lamaNgqika ; ngako oko luzuko kuMqhaye ukuba aye kuba yindededebe yaKomkhulu nqo, kunokuba abe phantsi kubukhosana obuncinane. Ukwenzeka kwayo loo nto kwaba ngolu hlobo :

Umu. uJ. Barrow, uMbali weRuluneli uMakathini (*Earl of Macartney*), owayephetha kweli lizwe ngeminyaka ye-1797 nowe-1798, uthi wathi, mhla wahambela kumzi kaNgqika esescCildara, wafikela kwingqongqwana yendodana ekuIulekileyo, ekwiinyawo zontandathu ubude. Uthi uMnu. uBarrow, " Semka aphi sibuzana ukuba kuthethwa ntoni na, xa kuthiwa amaXhosa la luhlanga olukrwada ? Saye sisitsho nje, sibangelwa ziimpendulo esizifunene kuNgqika lowo kwimibuzo yezinto esasimhambele ngazo. Ingqondo engako kumfana ongako, asizanga siyilibale, yadlula nabathile abaMhlophe abafundileyo."

Atsho ke nawakowabo, athi uNgqika waye engumdaka omde ; igranga-granga, ekube kungade kuthiwe liyageza, ukuba ibingenguye.

Kuthiwa ubesakuthi umfo kaMlawu, xa kukho umduto, awuyeke uqhubi iiitsuku nokuba zimbini, ntathu ; kanti ngelo thuba lonke uqokelela iingxilimbela ezikwangangaye zamadoda akhe, aza kuya kungena nawo emdu-dweni ; xa sewuyondelene ngosuku lvesithathu. Uthi umntu ubesakuthi ukuthi thu kwakhe uLwaganda ka-

Mlawu, kunge kukufika kwesaqhobe sesaqhwathi, kutsho kufumane kube sisiphotsiongela nesiwandawili ! Kutsho kukhe kuhweleliswe amaxhego nabantwana ! Uphiithizele worke umdudo, kuqalwe qalo limbi, bakungena kaloku ezintlwini ; siqale kaloku sonke isizwe sijonge kwezi ngxilimbela !

Kuthe ke ngamhla uthile, kwabakho umdudo eBhalura, kwangaseSheshegu aphi. Ithe thu okunerene into kaMlawu njengesiqhelo, ihamba kaagaka, kangaka ! Hayi, namhlanje akwabakho nto yothukekayo. Yatsho ngoqununu imiDange ibambene. Kukho ngxilimbela ayikhungileyo, iyongamele yonke. Aye eyithetha esithi,

“ Namhla kunamhla ;
Namhla kungawe ;
Gxwal’ inyamakazi ;
Ngcaphe nesigodlo ;
Mtya nethunga ;
Bhad’ elidawuwa laseJadu ! ”

Uthe namhlanje uMhlekazi waqonda ukuba akungangaye. Ikho le nto ikhoyo kwamDange. Wafumana wee xokololo, zathii nezi ngxwenga zimkhungileyo zasuka namhlanje zaba zizithwenya kulo mfo wakwamDange ukhungiweyo. Yabc le nto ingamhoye nangento le uMhlekazi ; igxwale ngakunye, njengoko babefike igxwala kakade ! Yaye iduda, ityhuluba, irilira. Ude uMhle wafuna ukuva ukuba ngunyana kabani na lo mfana. Impendulo ithe, “ Lo ngunyana kaSheshegu, umZima ! ”

Uthe ukuba atsho umntu wothuka uMhlekazi, wathi, “ Yinile ? Nihleli nje umntu wakowethu lo nirmfihl’ apha ? Nojoli, Nojoli, makagoduke ! ” Ibe ngawokugqibela ke lawo.

Xa uNgqika athi, umntu wakowabo ufhiliwe, wayethetha ukuthi, abaThembu aba, belaphanje, beze kuye ; nguye ke ngoko oma kabaxeletwe. Utsho kwema ngaye, wa-

mhlutha uMqhayi kwimiDange, wawaqbulela iqela leenkomo ukuwaxolisa. Wamngenisa ngayo loo mini ephakathini lakhe. Yek’ oko uMqhayi ukuya kuma ejadu, phezu kweThwathwa noMankazana, kwisithili saseMpofu, (*Stockenstroom*).

UMqhayi wafela kwalapho ejadu ngeMfazwe kaHintsa. Kuthiwa wafa selethimbisa eyedwa kwimpi yomLungu wafa isidabane esi sesilidlavu ziimbumbulu. Yada yafika emthe qam, yamphosa ekweneni. Waba ke ngoko ungamahlamvu oMhlekazi uHintsa. Ubesaziwa ngokuba ngu “ Mqhayi waseJadu.” UKrune unyana wakhe omkhulu uthi naye wabhungca phakathi kweentupha ngawo loo mhla.

Ufe engawafikanga amashumi amahlanu eminyaka ubudala. Wabe eshiya iinto zontathu, onyana bakhe, kunya neentombi.

ISAHLUKO IV.

ONYANA BAKAMQHAYI.

UKrune uNzanzana noPeku.

La magama angasentl’ apha ngamagama abaso bakaMqhayi bobathathu. Inkulu kuwo nguKrone (1800-1895), ozelwe yedwa kwindlu enkulu yomNkabanekazi, intokazi kaQabaka. UNzanzana (1825-1891) noPeku bazalwa yintokazi kaPhono, yasemaNgqosinini. Abalekelani ; kukho iintombi phakathi kwabo. Siya kukha sihambe sisenza amachaphazana ke ngaba bafo bobathathu, siqale ngoyena mncinane.

UPeku (1827-1904).

Lo mfo liwele nentombi uNonei beza mva koNohle. Uyise ngeMfazwe kaHintsa ufe le ndoda isencinane kakhulu, yaza ke ngoko yemka nonina, owaya kowabo

kwaNdiambe. Ukhulele apho ke yena, eGqunube, phantsi kwaloo Ntaba kaGqebe (Umhala's Kop).

Li the lakuxola, umkhuluwa wakhe uKrune wazama ukumphuthuma ; koko akubangakho mpumelelo, kuba ubesuka abuye azimelele kwakulonina, apho kuqatywayo, kuba abakhuluwa bakhe babese bengamaKholwa kaKristu benxiba ke ngoko.

Ide yafika yona into eyamgodusa engaphuthunywanga, walazi ikhaya ; leyo ke yndlala kaNongqawuse. Umzi wakulonina waye ungamaThamba, wazixhela iinkomo. Ithe yakuba shushu indlala, wafacela kowabo kuKrune, eBhafolo. Kuloko ufike ngelishwa, kuba uthe engekabi nantsuku zingaphi, wabhaqwa yimpi yasemLungwini eyai-hainba iqokelela arnaThamba ; yamgalela emxukuxeleni, yek' oko ukusingiswa eMonti ; bafakwa apho emkhomibeni bayo eKapa. Kukuze afumane elinye igama abelithanda kunene, lokuba nguCapetown.

Kwelo zwe laphesheya kolwandle (kuba kwakusitshiwo ukubizwa kweKapa ngaloo mihla), bafika bagalelwya kwizindlu ezintle ukuba bahlale kuzo, kungekho nto yabukhonkxwa ibhekephi, kuba kwakusaziwa ukuba amakhaya abo bawacingela ukuba ang'ayelwa ngeenqanawa kuphela. Uthi ke bebezonzabisa ubusuku obu ngentlombi, besombela, bexhentsa, kuyiloo nto. Zaye iindaba zona zixelwa, zokuba "kunokuyiwa emakhaya ngeenyawo ;" abanye bahambe okunene.

Uthi yena uPeku wathi, mhla wemka kwelo zwe, kwa-thiwa riphe ingoma kanina ngabusukwazana buthile. Uthi yatsho loo nto yec xhokro kakubi entliziyeni yakhe, waphuma waya kulala, ezimisele ukunduluka ngentsasa elandelayo. Okunene uthabathe ingubo yakhe ngentsasa, wayithi tyu egxeni, wanyathela. Kubekho ababini abaphume kunye naye. Yek' oko ukusinga ngasema-Xhoseni, balimba beqeshwa ngamaBhulu kwezi ndlela; bamkele kwele bagqithe, baye kuqeshwa felinye phambili.

Bada baza kufika emaXhoseni, emakhaya ; wafika yena selengu " Kiptoni."

Akuba esikile ekhaya, akabanga saya kulomina, kuba ikulonina lalise lichithakele. Wahlala ngoku kubakhuluwa bakhe eBhafolo, wada naye waba liKholwa likaKristu. Uzkelwe intokazi kaTyhala Nteyi yakwaDila, yamzalela abafo bobabini nentombi yanye. Ubhubhele eMgwali kaNgqika, emzini wakhe, ngomnyaka we-1904.

UNzanzana (1825-1891).

Lo ngunyana obaluleke kunene kaMqhayi Uyaziwa ziimantyi njengesibonda ; uyaziwa ezikolweni njengomkhokeli ezityalikeni zaseRabe ; uyaziwa ezinkundleni zesiXhosa njengebusa laKomkhulu kwaMaqoma. Waye umso eqhamile ngeenkommo nemfuyo yonke. Ngokuvela ngesiXhosa kung'athiwa yintanga kaTini Maqoma. Naye ukhulele kumkhuluwa wakhe uKrune, wafundiswa nguye. Akuba yindoda uhambe ezinqwelani. ekuthe kuphi wafumana ngoku ezakhe, waqhuba zona, wakhawuleza wasisityebi. Ukufika kwemosu ngowe-1855, iqale kwiinkabi zakhe ezaziye eBhaya neenqwelo zakhe.

Uthe uyafika eBhafolo, yabe imikhosi yabaMhlophe ifika, izidubula iinkomo zakhe zonke, isithi sezsulelene, kodwa uthe ukuzichola kwakhe, kwanga kuvuke kwa ezo. Ude wafuduka apho eBhafolo, waya kuma eLujilo, apho ilizwe life ekhona ngoNgcayechibi, ekunye neenkosi zakhe, onyana bakaMaqoma.

Ngesithomo nesibili uNzanzana lowo ebengaba kude kufuphi kuGoliyate waseGate, njengoko simvayo ngeZibhalo eziNgewe. Oko babeseseBhafolo esigingqini, kwa-kumana ukubakho amadatyana angaphele ndawo, phakathi kwamaXhosa namaMfengu eso sithili. Ebeskuthi ke xa akhoyo uNzanzana lo, amaMfengu oyiswe ; aze xa angekhoyo amaXhosa oyiswe. Ebels' encecebo ke amaMfengu lokuthi, xa aya kulwa, abeke enye yawo ibe

ngukhala, ukuze imbone ngobude xa ezayo, imemeze ke ithi, " Nabolumka, kukho noNzanzana ! " Kube kugilwa izicithi ke ukujikwa, kungaliwanga !

Indlela yakhe abesilwa ngayo yayingeyiyo yokuthandwa ngamaMfengu, kuba ubesakusukela abc mabini, awaqubanise nzima ngeentloko ; awashiye lawo eyoba, asukele amanye. Intonga asinto ebeyise so.

Ekuxo'enai kwelizwe ngowe-1879, uwele iNciba engafuni, waya k ba kwaCentane, kunye noMhlekazi uKona Maqoma, owayengalwanga. Umfundisi wakhe, uMfu. uJames M. Auld, akazanga ahlu kane naye ; nokuwela, umfundisi lowo wawela ngenqwelo kaNzanzana lowo ukuya eKhobonqaba (*Columba*). Ufike yena uNzanzana wamisa kwaNgede, wensiwa isibonda.

UNzanzana lowo, njengeKholwa, watshata etyalikeni, nentokazi kaNonxuba, udade boGreve, obesisibonda eLusizi, kwakwaCentane, umNtakwendakazi. Yamzalela isihlanu sonyana, nesihlanu sentombi.

Kwalile ekungeneni kowe-1891, savakala isithonga soku ba uswelekile ; into leyo eyatsho lothuka lonke elasemaXhoseni, lalahlekelwa elaphesheya kweNciba. Kwaye kuxa ayingqanga-ngqanga yesithethi, esithembekileyo kumakowaso.

UKrune (1800-1895).

Lo ngoyena Mafungwashe, ofungwa zizo zonke iintombi zamaZima ; ongade uvc zimbi zisithi ; " Ndifung' umntw' enenquma ! " Elo nquma ke, bathetha ilifa elithe nkqampu ebunzi. Sesitshilo kambe ukuthi, yinkulu le kaMqhayi, emgama kakhulu kwabanye abantwana bakowayo. Yiyo le nto bakhulele kuye, kuba uyise wafa besebancinane. Kuthiwa uMqhayi uzeke umNgqosinikazi lo kwakubhubha umNkabanekazi lowo ; abanye ke bathi hayi, umNgqosinikazi lo kukanene. Uzalelwé kwangaseSheshegu, kwindawo ekuthiwa liGubura, eDikeni.

Ekubeni uMqhayi waba ngumntu kaNgqika, uthe ke ukubhubha kukaNgqika lowo ngomnyaka we-1829, umzi lo walunga kuMaqoma, indlu ke leyo ekukunene, noko ilivelatanci—kuloJingqi.

UMaqoma ke yinkosi etha yalithanda iLizwi likaThixo kwasekufikeni kwalo nabafundisi. Waye ebathanda nabafundisi abo, ethembe lukhulu kubo, kwanje ngokuba ninzi babo basezikolweni, wabe naye ngokwakhe elamkele. Yaba nguye nomabi wabafundisi eMaziko.

ABafundisi aBahle.

Umfundi uya kuqonda ukuba, kwesi sithiba seMfazwe kaHints, ayesel' ekho amangqandende abafundisi be-Lizwi ; kuba wayesel' ekhe wabonwa uNyhengana (*van der Kemp*) ngowe-1799 ; noNgcongolo (*Read*) ngowe-1800 ; uVelidym (*Williams*) ngowe-1816 ; Bhuluneli (*Brownlee*) ngowe-1817 ; uDr. Philip ngowe-1819, njalo-njalo.

Kuthe emva kweMfazwe kaHints, wawela umfundisi uDr. Philip waya phesheya, esiya kwenza inkazo ngo-kuphathwa okubi kwamaXhosa yimikhosi yasemLungwini ngayo loo Mfazwe. Ekuweleni kwakhe ke, uhambe neLawo uLefleur, elaliya kuba kwalingqina. Kwa-kukho noMhlekazi uDyan Tshatshu wamaNtinde, owawelayo naye.

Uthe ke xa awelayo uMhlekazi lo, wayalezwa zezinye iinkosi, uMaqoma noBhotomani wemiDange, oyintanga noNgqika, besithi, " Uze usiphathelie abafundisi abahle." Umfundsi uyazi ukuba umntu omhle yinto ebukeka kunene emaXhoseni.

Okunene iNkosi uTshatshu, akuba phesheya akawulibalinga umyalezo weeNkosi. Kuthiwa wasiwa kwisikolo esithile esikhulu esifundisa abafundisi, ukuba aye kuzikhethela ngokwakhe " abafundisi abahle." Ufike wanyula bababini ; uHenry Calderwood wamnyulela uMaqoma ; umfi uR. Birt, wamnyulela uBhotomani wemiDange.

Kwasekusikeni kwakhe lo kaMaqoma umfundisi, uKrune waba ngumntu weLizwi, wasunda nencwadi kuba okaBhene nabanye abafundisi, babese benzinto abazishicileyo.

Ukwaluka kukaKona, unyana olivela-tanci likaMaqoma, omhle, nobethandwa kakhulu nguyise, uKrune wanyulwa waba likhankatha lakhe, into leyo ebingafumane imikelwe nakubani na.

Iindawo abethe wema kuzo ibe liBhofolo noNeaza. Uthe ekufudusweni kukaMaqoma kuloo mihlaba, waya kuma kwaGqumahashe naseKrwakrwa.

AmaKristu okuqala abufumene kakhulu ubunzima ekukhonzeni kwavo uKristu ; kuba kwakusithiwa alahla iinkosi zavo, emka nezizwe zasemzini. Le ndoda ke yenyenamadoda abufumeneoyo obu bunzima.

UKrune uzele unyana wamnye qha ngentokazi kaHogu yasemaSukwinini. Le ntokazi ayilithandanga ilizwi, kuba yayiyincutshekazi yeqqirakazi. Yemka yakugqoboka indoda, yaya kwendela mzini wumbi. Uthe noKrune lowo watshata nantokazi yimbi ngomtshato waseTyalikeni, eyathi yona yamzalela iintombi zodwa. Unyana lowo mnye igama nguZiwani, obekwanguMafungwashe weentombi zamaZima.

Ithe kanti intokazi kaHogu isaya kubuya icholwe liLizwi ; yalishiya ilizwe iseDikeni seyingaphezulu kwekhulu leminyaka ubudala. Ude wasweleka naye uKrune enguMdala weBandla laseMacfarlan eTyhume, selengene nasebuTempileni. Ushiye unyana wakhe uZiwani.

UZiwani (1830-1920).

UZiwani ngunyana omkuhlu nekukuphela kwakhe kuKrune, ezaIwa nguNamse, isazikazi, intokazi kaHogu. Uvelele eTyhume phezu, kuloo ndawo sithi ngoku yifama kaBrown, eHala, ngomnyaka we-1830. Lo ngumntwana wabafundisi, kuba ukhulele phakathi kwabo,

wafunda, wamkela ncLizwi esemncinane. Iimfundiso zezo mini zabafundisi bokuqala wazithabatha zonke,-- ukuthozama, ukuzibeka, ukungaphenduli noko woniwayo. Waye ngasemfundweni ephantse ukuzithetha zonke iilwimi zale Afrika iseZantsi.

Ukhule chamba iinqwelo, ekhokelela uyisekazi, uNzanizana. Wayichola kakhulu intetho yesiSuthu czinqweleni apho. EyesiBhulu intetho uyichole kumaLawu ezityalikeni, kuba iRabe (*London Mission*) ikhe yawakhokelisa kakhulu amaLawu. OlwesiNgesi nalo ulufumene ezinewadini, nangokukha aye kuhlala kuBafundisi yaye intloko ithambile. Ude wacelwa ngumfundisi uNgengolo oMdala (*James Read*), obeseKatala (*Philipton*), eGanqeni, ukuba makabambe isikolo eHala (*Auckland*), eTyhume. Okunene wakha waqluba ithuba cyititshala kwesikaSikhunyana, uyise boMakhalima, esiseniyo nanamhla oku.

Ngesithomo, uZiwani lowo, kwanje ngoKrune uyise, ubekwiinyawo zontandathu, wongeza walibhubhulura, ekude kuthiwe ngamakowabo :

“ LiBhul’ eliindaka,
USithwala ngqebesha ;
UNeukud’ enokhohlokhohlo ;
INDlov’ edl’ igoduka.”

Uzelkele ngomnyaka we-1861, intokazi efana kwanaye ngokululama—yinto leyo eyatsho abantwana baxakwa nangoyena mabamfuze. Le yintokazi yakwaDala, intombi kaBhedle, ongumzalwana noTyhala kaNteyi. UBhedle lowo yinto kaCiko, kaKoloti, kaLelo, kaMganu ; amaGcaleka angeambu zikumaBomvana, awayeze no-Hintsza ngeMfazwe yamaLinde iinto zona ezazitsho ngamakhaka eengulube. Intokazi leyo yakwaDala imzalele iintombi zone, zilandelelana. Kuthiwa bada bawa ngamadololo njengaMakristu, ukuze bade bafumane umntwana oyinkwenkwe.

Ngomnyaka we-1885, uZiwani uwale iNciba waya kuyisekazi, uNzanzana, kunye nentsapho yakhe, eshiya iDike, isithili sakowabo. Undulukile yena waya kuba ngumini waseRini. Apho uzibaulule kunene ngobukhokeli beBandla, ngengoma, noko wayesel' emdala ; umfo ozintshumayelo zakhayo. "Thenga inyaniso, ungathengisi ngayo," (Imizek. 23, 23).—leyo yitekisi yakhe, abesel' ekhala ngayo ebudaleni bakhe. Uyazi umfundu ukuba indoda enkulu asinto isenamazwi maninzi. Le tekisi ibisebenza nasezincokweni, nasetyalikeni.

Ubesafunda naxa angajonganga ngazintsimbi ; ubeseva ; amazinyo akhe ebeselelo nani ayelilo mhlammene.

Okunene ngomnyaka we-1920, ngenyanga yoMdumba (11th February, 1920), ilishiyile eli phakade into kaKrunc, yasinga kwelo lizayo, phakathi kokuzola okukhulu. Yemka izele yimihla, nangani ingabanga yimihla yobumnandi, ngenxa yeenguqu-nguqu ezibekhoyo elizweni nasebuzweni. Lalila kakhulu iRini, ngokumka kwendoda enkulu, ebiligwiba, neqikili, neqhayiya lalo.

La madoda omathathu asemantloko esi sahluko, endawonye naloo nyana wavo mkhulu, uZiwani, ngamadoda angabanga nakumbi kweli lizwe lakowawo. Ndiyaholwa ukuba njengeMbhoni, uSamuweli, ebengathi, elihlanganisile eli lasemaXhoseni, abuza athi, "Nanku sikho ! Ngqinani ngathi phambi koYehova ! Sathabatha nkomo kabani na ? Sathabatha esile likabani na ? Sacudisa bani na ? Savikiva bani na ? Sathabatha esandleni sikabani na ucarnagushelo lokumfamekisa amehlo ethu ?"—impendulo ibingabuya isithi ! "Anisicudisanga, anisivikvanga, anithabathanga nto sandleni samntu."—(1 Sam. 12, 3-4.)

ISAHLUKO V. USAMUWELI.

Eli ke lelona gama lomnini wale newadi ; kuba, njenoko sesikhe satsho kwisahluko esingaphambili, uyise nonina bada benza isicelo, ukuze bamizuze ; kuba babezala iintombi zodwa.

Apho avelele khona kuseDiken, eTyhume, kweso sikolo sidala sakwaGqumashe, emantloko aso, kuloo fali yaziwa ngokuba yekaMelani Vela, umThunzi. Kuthiwa kwa-kuxa kuhlwayo ; bawalahla ezindimeni abafazi amagaba abo, ukuya kuzalisa. Olu suku ke lolokuqala kwinyanga yoMnga, ngobukhwetha bukaGomna Sandile (1st Dec., 1875).

Yenziwa nkulu loo nto ngabazalisikazi, nabantu besixeke, kuba kwakuqalwa ukubonwa ubawo ezala inkwenkwe ; waye ubawo engumntu wokuqala ofundileyo kuloo ngingqi. Kwakuvuyiswana naye jikelele, njengomntu obethandwa kowabo.

IMbongi iyihlanganisa yonke loo ntshukumo nemihlali ngale migca :—

Le ntshukumo yeyani na,
Kumadoda namanina ?
Yeyanina le mivuyo
Ngathi lixa lemiguyo ?
UmkaZiwani uzele,
Umz' uzele bububele.

Kuphaliswa namahashe,
Namhla kulo Gqumahashe ;
Alahliwe namagaba,
Kothukiwe lolu daba ;
UmkaZiwani uzele,
Namhla' utsho ngenqebele

Sivuye na ? Sixhale na ?
Sonwabe na ? Sithembe na ?
Kade sizala abantwana,
Iintombi namnadodana ;
Namhl' uNomenti uzele,
Lo mntwanana umlilele.

Masivuyisane naye,
Kuba besilila naye ;
Samkelw' isicelo sakhe,
Kwaviw' ukugula kwakhe,
Utsho gungqu ngendodana,
Wathi " lishumi lonyana ! "

Nqakra-nqakra ke ndlezana
Sitsho nakuwe ndodana !
Nok' izipho singenazo,
Singenay' imithandazo,
Singenazo nezibhembe,
Phila noko mntwa' kaBhedle.

Namhla, ewe, sizuzile,
Kub' uMdali simbuzile ;
Lo mf' uvele ngezicelo,
Negama ke nguSicelo.
UmkaZiwani uzele,—
INKosi inobubele.

Ziyaviwa izikhungo ;
Ziyachithwa izilingo ;
Phakamisan' iintliziyo,
KuNdikhoyo kukh' uviwo,
Lwezigulo nezicelo ;
Itsho yonwabe imixhelo.

Lo mfana siyamnqulela ;
NoNdikhoyo simbulela ;

Ngamana wamlondoloza,
Kwiint' eziza zinkqonkqoza,
Zifun' ukumfukamefa,
Angaze waphumelela.

Sitsho ngeemfazwe neendywala ;
Sitsho ngeentswelo neendlala ;
Sitsho ngekratshi nomona ;
Nokuzigasa ngewonga ;
Angaz' athande nzuz' imbi,
Ad' aphume nemibimbi.

Ngoko ke singaf' izitho ;
Simcelela zonk' izipho ;
Nezomhlaba nezezuiu ;
Nezenzuu yaz' iinzulu ;
Abe luncedo esizweni,
Nempilo cuhlangeni.

Makube njalo.

Ngaloo mihla amagama esiLungu (isiBhuļu nesiNgesi) ayesabukeleka kakhulu, eziinto ezingathi zihla entla kwenkundla. Kwaye kundawonye nokucinga ukuba igama lesiXhosa alisafuneki nganto. Ubesakuthi ke nobenegama lesiXhosa lodwa, athiywe elinye igama mhla aya esikolweni okanye mhla angeniswa ebandleni likaKristu ; kuba engenakubhalwa kwezo ndawo ngegama lesiXhosa, elilelobuhedeni.

Ngako oko ke mna, andibanga nayo inyhweba yegama lesiXhosa, ibingeze loo nto ide yensiwe ngubawo, kanye kanye—umntwana wabafundisi, ababefanele ukubonela kuye nabanye abantu ! Njengomfundsi weZibhalo ke, ubawo undinike igama lokuba ndingu *Samuel*, uSamuweli ; apho ange wayetshilo nokuthi, nguSicelo, okanye uMcelwa, uCeliwe njalo-njalo. Kodwa nanko esiya kuvumbulula intetho yesiHebhore, enyanisweni eba yena uthiya ngegama lesiNgesi.

Phofu bendiweva namanye amaganyana angaqhubelanga ndawo, awaphela ndisemncinane nam. Kukho ekube kuthiwa ngu "Loliwe," kuba ndivele ngomnyaka wokufika kukaloliwe kweli lizwe—loo ndlela iphakathi kweBhayi neRini. Wayengekabonwa uloliwe luninzi lwamaXhosa ; kodwa ndiyakuxelela, zazininzi, ziinkulu, izinto ezithethwayo ngaye ngabo sebembonile, zinjalo nje ziyimimangaliso.

Elinye igaina bekuthiwa nguNgxeke-ngxcke ; belisaku-nqunyulwa ke, kuthiwe ngu " Ngxeke." Ndiyakhola ukuba elo lize kuvela ngothrobo endibe ndilulo ; umntwana ozalwa zizilulami nezithuli, ezinje ngomaa nobawo, angafanelwa kukufumane abe yingxeke-ngxcke, emlomo ungahlanguaniyo. Ndakholwa kukungaqhabeli ndawo kwalo. Lavelela langumnqange lodwa ke igama elithi " Samuweli," linqunyuelwa ngabanye, bathi " Sami ! "

Ndithe kanti ndisaza kulifumana elinye igama into yona eyandinamathela bukhwabasa, ndingayiqondi, linjalo nje lilelesiNgesi cace.

Kuthe ngomnyaka we-1882, ndathunyelwa kwisikolo esimgama kunene nekhaya, ndisuka eZingqayi (*Allandale*), ndisiya eGulukuqawe (*Evergreen*), aphi isikolo sibe sikhona phakathi kweefama zamaBhulu ; kwaseTyhume phofu. Eso sithuba ndicinga ukuba besiziimayile ezintandathu, mna iminyaka yam imnithandathu. Igama endibizwe ngalo esikolweni, ngokuxelwa ngodad' ethu, kuthiwe, " Samuweli Krune." Ititshalakazi yaye iyintokazi yaseSheshegu, eyayinconywa kunene ukuvuma uNkosazana Emily Langa, owahle wemka noko. Phambi kwakhe yayinguMnum. uJoseph Mpinda wakwaGaga ; phambi kwalowo yayingu-Mnum. uJoel Mguba kwakwaGaga. Ezi titshala zibe zingaggibi nomnyaka apha ; phofu ziphantsi komfundisi ontsundu wakowazo, uMfu. uE. Makiwane, waseTyhume (Macfarlan).

Iphumile intokazi kaLanga, kungene ngoku ingqayi-
ngqayi nengqanga-ngqanga yetitshala, into ekube kusithi-
wa igarna nguMnum. uJoseph Fondini. Uyabona ?
Kwafika into ezimbo zininzi, zinjalo nje zibukwa zonke !
Lo mfo wayekhe waba semsebenzini eMonti, weza nezo
zimbo ke zedolophu. WayengumWesile ngokobuhlelo,
efunde eNxukhwebe ; ikhaya lakhe liseXesi ; engum-
Zangwa isiduko, umXhosa ke. Umfundu nya kuqonda
ukuba apha phakathi kwekhaya bekuse kukho unkwin-
nkwi wokuba zibe ngamaMsengu zonke ezi titshala
zifundisa apha, abe nomfundisi ekwanjalo ; zibe ziwigwe-
nxa namagama ezinto ukuzibiza.

Ithe lengqayi-
ngqayi yakufika, yatsho nababese be-
phumile abantwana babuyela kwasesikolweni ! Athi
namaculo la ale titshala yanga ngamanye, aligugu. Waye
umfo eyingqakamba yendodana,; into czitshoyo nayo
ngokwayo ngemfundo.

Zonke ezi titshala bezifundisa apha ngaphambili
zezazifunde eLovedale, zingamaRabe nangobutyalike.
Le namhla kufika into engafuni nokusiva eso siNgesi sibi
saseDiken ! Andinguye mSkhotshi mna ! Aguqulwa ke
amagama ebésaziwa ngabantwana czincwadini, abizwa
ngandilela zimbi. Zathi nezi fama sihlala kuzo zabizwa
ngamagama azo asomayo, abengasetyenziswa, iAllandale
neEvergreen.

Kuthe mhla kwensiwa umdibaniso (anniversary) we-
zikolo eziphantsi koMfundisi uMakiwane, into leyo
ebingazange ibekho apha, ngomnyaka we-1884, yaphu-
melela yaninzi intsapho yento kaFondini, yazuza arnabhaso
ngaphezu kwazo zonke ezinye iititshala. Naye ngokwakhe
wazuza ibhaso ; nasengomeni woyisa. Abavavanyi yayi-
ngop. J. Mzimba noE. Makiwane, noMnum. uJ. Tengo
Jabavu owayenguMhleli weSigidimi oko. Uthi ke loo
nto yamthini ukumphakamisa lowo, ubesel' ehleli eyinto
ayiyo kakade ? Yeka ! Wangurnakhhalala,

Nathi lusapho lvesikoło ngoku sinikwe amagama amatsha nabadala nabancinci, namakhwenkwe namantombazana. Kukuze ke mna ndisumane eli gama lokuba ngu "Edward." Ndithi landinamathela unanamhlanje elo gama. Linjalo nje alizanga libizwe nangumnye umntwana wakokwethu ; nobawo akazanga andibize nemini enye ngalo. Mntu ndithi walikhuthaza ngudad' ethu, inkosikazi kaMos ; kuba wamana ukufaka uE, xa andibhalelayo. Nanamhlanje igama lam ndingu "Samuel Edward Krunc Mqhayi."

Ithe kanti nale titshala ithandeka kangaka ayizi kuhlala kuyaphi. Iphume yemka, yaya kuba ngumfundisi kwezinye iityalike. Emva kwayo kungene kwa umfo waseXesi uMnum. uJno. Gasa, ophume kwakamsinya kakhulu.

Kukuze ke ngoku sifikelwe ngumfana omncinane, owandifundisa ngenyameko, ndayiqonda into endiyifundayo, ndaqhubela phambili ; kwasa kum, gede !

Andazi kwabanye abantwana, kodwa mna kum kwaba njalo. Leyo ke ititshala yinto kaTsewu Mbilini, engu Ebenezer.

Ndicinga ukuba le ndodana yathwala nzima ekufundiseni, kuba yayifundisa ekhaya, ideliwe. Yaye ingena ezinyaweni zala ngangalala, into kaFondini.

Ndisishiy'e esi sikolo ngemfuduko kabawo ukuya kwa-Centane ; akahlalanga noMnum. Tsewu lowo. Mna naye sibonene futhi emisebenzini sesingamadoda sivana. Waye umfo eyithanda nentetho yesiXhosa, endandikwayithanda nam. Nasesikolweni wenza ukuba ndiyinambithe.

ISAHLUKO VI.

IMIDLALO, NEEMFEKETHO ZOBUNCINANE.

Andikhumbuli maqabane am ngexesha endandingaphantsi kwestihlanu seminyaka ubudala. Nabandaziyo bathi ndibe ndiiilolo elithanda ukudlala lodwa. Aba bantu batshoyo ndicinga ukuba bathetha eyona nto kanye ndibe ndiyiyo. Naxa sendinayo ingqondo, ndibe nawo amaqqabane kancinci kakhulu. Nalawo ambalwa abe ngawethutyana elisutshane ; kuba ndithe ngokuba ndedwa kokwethu, ndahkala ndixakekile.

Ukungafundi cuba, natywala, nezinye izifundwana eziza ngabalingane, ndizibalela koko kungabi namakholwane. Nakalokunje, sisiyalo sam esifuthi kubantu abancinane ukuthli, " Kulunge kanye ukungabi naqabane, kunokuba namaqqabane oya kuthi ufunde kuwo izinto ezingayi kukwakha emzimbeni nasemphefumIweni."

Imidlalo yan ibingasebuhlanti phaya iimini czi ; ndidhlala ngezinti czineembaxa, ezo mbaxa ke kuthiwe ziimpondo, uluthi kuthiwe yinkomo ; z'ibotshwe ke ezo zinti, zibe ziinkabi zeenkomu, zitsale ihlahla ; mhlawumbi zilime emgqubeni phakathi ebuhlanti. Bekukho nomdlalo wokufaka intonga phakathi kwemilenze le, ibe lihashe endikhweleyo kulo, kubulaleka kwamna kukugqakadula, nokudloko, nokuphala. Loo nto ke ndiyakholwa ukuba ibiya itsho ndidinwe, ndilambe, ndibe yiloo nto.

Kuthiwa ndifike endlwini ngenye imini ndivela kwa-kuyo loo middlalo. Bothuka abantu kukungena kwam, kuba kwakuxa kuthiwa krelekeqe ukugqitywa ukutyiwa ! Nakuba ndixeelwe ukulibaleka kwam, ndijonge embizeni ema kuba yayiseziko, ndabuza, " Kukho ntoni apha ? " Impendulo ithe : " Ngamanz' ashushu ! " " O ! " utshilo omdala ; " ndiphen' amanz' ashushu ! " Mhlawumbi unkabi lowo ubesakukha eve abantu becelana ikofu ngelo gama ; waba ke yena luhlobo oluthile lokutya

Kuso csi sithuba ndibe naqabane lithile, igama lalo nguJoji (George Mali), into kaBaram yasemaQocweni. Ngathi lo mfo waseyisithuli, kuba andikhumbuli zintetho ntetho zakhe. Umdhalo wethu yayikukubopha iikati, sirole ngazo amahlahla, senze iintlanti, sisake kuzo iinkomo zemibhongisa nezemidongwe. Sivelwe ngelinye ixesha ngabantwana abaya esikolweni, sithetha kumatyholo angasezantsi komzi, xa omnye athi : " By George ! " " By Sam ! " " Lixesha lokubotshwa kweekati eli ! " " Ewe, By Sam."

Ngomnye umhla ndimenze into embi kakhu lu umlingane lo wam. Kuse'e kuzele ithokazana lehashe kowethu. Athe amadoda, ngokubona ukulamba kwenkonyana, aeinga ukuba eli hashazana aliphumi masi. Alibamba ke, eva imibele ngokulisengela phantsi. Hayi, aqonda ukuba liphilile, alinanto ; emka aya emisebenzini yawo.

Uthe kanti umsana lo uuyayibonela le nto, unoluvo lwakhe ngeli hashe lisengwayo. Kwalile emini yakusasa, nqwakanqwa noBy George. " O ! By George ! " " By Sam ! " " Ubonanje elaa hashe liyasengwa ! Hamba, nathi siye kuzisengel' ubisi ; belisengwa ngotuta kusasa ! "

Akenzanga miluzo nazindendeze zokuthetha uBhayi Joji. Ungene kwa oko endlwini, waphurna nezi bhekilana zinemiqhetyana ecaleni, bekusithiwa ngonomenteshe. Ihashekazi ke ngelo xa nali lisitya kwaphakathi komzi apha ; umzi lo ubanzi. Uphume wonda chasheni, kuba bendithetha ngalo silijongile. Mna ngoku sendibekele ecaleni, ndiya ngasentloko, ukuze ndilithintele lingahambi. Uthe nokwenza uBy George, walijikela ngasemva, lamyeka wada wasika kulo. Kwala xa athi makabambe umbele : lema ngeyangaphambili yomibini, lamsuba ngeyasemva yomibini ! Waphaphathea uJoji, waya kunqandwa ludladla lotiya Iwakokwabo, olwalumganyana kuthi ! Wabkhomboloza apha ke umf' omkhulu, ibhekile yobisi ingasenabani uyaziyo.

Uphi ke uBy Sam, umnini-nto, ngeli xesha ?

Limkhohlile ! Ubaleka aye kusithela ngalaa ndlu, kubekho into ethi, " Noko, hla' uvelile ; " abuye kuleyo asithele ngale ! Inqaba kukuya kuBhayi Joji, ukuya kuqonda uhlobo lwengozi ; enye inqaba kukuya ebantwini, ukuya kuhlabu umkhosi.

Ndinyanisile xa ndithi, andiyazi into eyada yandikhulla kulo nthungu ; neyade yamthabatha yamthuthuzela untang' am lo. Nam andikhumbuli kungxoliswa ndakha ndakwenziwa ngayo loo ntlondi, ngaphandle kokusuka ndithi, kwangobudenge, ndiye kuloBhayi Joji apha, ndibharumlelwe nguyise ; sendikhumbula mazwi, " Hamb' umk' apha ! Asinguwe lo ukhabis' uJoji ngehashe ! " O, okunene andimkanga ngokueotha kulo ndawo !

Ngoku sesingamadoda sinabantwana, xa sasincokola noJoji lowo ngaloo nto, ndibuza kuye ukuba akaizanga abe nasivubeko na ziimpuphu zehashe. Uyalandula yena ; uthi akanayo nento le yaloo nto. Sesicinga ngoku ukuthi, makube imazi yehashe, yathi kuba usondelic kakhu lu, ayamfika ngeempuphu, yamkha nje ngamanqina, yamjulela ekudeni.

Kwakukho enye ke ingwevana yehashe, ekube kusakuthi ngokuhluwa wakhe uJimi, esithi, " Hambani, makwedini, ndiniise esikolweni ! " Nanko ke enka nathi ukuya kweso sikolo sikude kunene. Wayithabatha loo nkxamleko yokubeleka lo, athundeze lo ; athule lowo, angcambazise omnye. Wada waya kufika nathi esikolweni. Abantwana besikolo bothuka, bayihleka le mingcolorana, ingenayo xa kuza kuphuma inflazane ; ganqu-ganqu ezo nto, kubonakala mblophe ukuba bezingalungiselelwe kuza apha.

UJimi lo ke wayengumfo owaziwa kunene phakathi kwesiveko apha, esaziwa ukuba ngumfo oyithetha

inyaniso ade aggithe, ajikele ngaphaya kwayo. Nangayo loo nkxamleko yalo o mhla wayequina isizathu sokuba afike mva kangako esikolweni, ezama ukuyiphandla ititshala ngokuthi, "Ndilityaziswe ngaba bantwana; basuke balilele ukuhamba nam!"

Enyanisweni loo ndawo siddalela kuyo isemendweni wabo bonke abantwana abya esikolweni; kodwa andikhumbuli mntwana sakha salilela ukuhamba naye. **UJimi** lovo lelinye lamanene nangoku, kodwa inyaniso yakhe isenku lu kangako. Andazi ukuba ingxelo kaJimi leyo yamkeleka njani na apho kwititsbala, uMnumi, uMpinda.

Isithabathile ititshala leyo, yaya kusibeka kwabaya ba-funda o "a." Yaba yinto kuthi loo nto yokuhlala esitu-lweni, simana sibonela xa utitshala abhalayo kwesiya "sileyiti" sakhe sikhulu. Ide yeza ititshala ukuza kufundi-thina. Ifike yasiquka, yasenza uludwe naba bebekho kakade abantwana. Ndabathobela ezantsi bonke, xa sigquadaziswayo ko "a," kuba odad' ethu ekhaya be-bengandonwabisu ukundifundisa kwabo.

Ngelinye ixesha ndathengelwa incwadana yesiXhosa yokufunda, ukuze udad' ethu omkhulu amane ukundi-fundisa kuyo apha ekhaya. Ithe le mfundiso yahamba noswazi; uswazi olu ke andiluthandanga lona. Kuthe ngamhla uthile, sisempahleni endle noBhayi Joji lo, weva yena ngam ndisithi, "Hi, By George!" "By Sam!" "Uyayibona le nto isibethisayo? Mna ndithi masiyikrazule." Nditsho ndayirola, kuba sibe sise sihamba nayo empahleni sisfundiswa ngamakhwenkwe amakhulu; ilolunye uswazi nolo! Sibambisene ngayo le newadi, sayidwenga, dwenge, dwenge, samana ukuwayeka amaphiepha, emka nomoya. Ithe ifika enye inkwenkwe enku-lyibe seyihamba ihlangana nawo amaphiepha encwadi. Uyixelile le nto uJoji, nam ndayivuma.

Andazi ukuba ndathethiswa njani na ngale nto ekhaya; kodwa kwathengwa enye incwadi, ekubeni mna ndandiba

kupheli-le namhla, andiyikize ndibuye ndikhathazwe ngaluswazi; ndandiba mna incwadi le inye.

Ngene imini uBy George ufike neendaba. Ufike esithi, "Bona nje, By Sam, kokwethu kufik' umntu oth' ukuhleka, 'He-he-he-he!'" Ndithe kwa oko, "Yabona ke By George, fan'ba loo mntu sisigebenga, bona nje!" Uphendule luJa uJoji wathi, "Hayi, By Sam, loo mntu unxibe ingub' ezintle."

Sibonakele sisiya ke, ukuze nam ndimbone. Okunene ivakele le ndoda igqekreza, ineokola, ihleka,—oko kuhleka kugigithekayo. Sivele nje emnyango simgama, sajonga, sajika. Ndivakele ndisithi, "Laa mntu, By George, fan'ba yititshala yakweny' indawo!"

Akubanga kade, labotshwa ihashe faloo mfo wasemzini, wakhlwela wahamba. Uthe xa anyukayo ngaphesheya wavela umfana wathi, "Niyabona, makwedini, ngumfundisi lowa. Uze kufuna nina, ukuba niye esikolweni! Ngoko ke yazini ukuba niza kudada esikolweni." Andazi ukuba olo daba saluthabatha njani na. Uthe kanti okunene lo nguMfundisi uMakhiwane, uhamba efuna abantwana bokongeza esikolweni.—Kwangathi ke sikhutshiwe noJoji. Kwakumhla ndiyibonayo ke le nto ingumfundisi ngaloo mhla.

Eli gama lithi By George, ndiyakholwa ukuba nalo omdala lo weva ubani esithi, "By Jove?" Yase iba yinto yakhe leyo!

Ngamhla uthile ndiqubisene noswazi ekukade lundifane-le, ndidibana noswazi kubawo kanye. Umfundsi akakayiva indawo yokuba uma, intokazi kaBhedle, wasweleka ndisemnyaka mibini inesiqingatha ndikho; waza ke udad' ethu omkhulu, engumntwana ngokwakhe (kuba naye wayemnyakana ishumi nje qha), wathwala loo mthwalo wokugcina umntwana. Ndikhule ke ndibona yena loo dad' ethu, ndimlilela, ndisfuna ukuba lapho akhona.

Kuthe ke ngaloo ntsasa, ndambona udad' ethu loo ethwele imbiza, esiya emasimini ekwindla. Ndiggibe kwa oko kwelokuba nam ndiyaya. Ndicinge njalo kuba ndibona izinto ezilungileyo (ombona namathang'a, imfe neevatala) zisakuthi thu ngasemasimini. Namhlanje ke zide zaphathelwa imbiza.

Undibizile ubawo, wathi mandibuye. Ndijikile ngelingililo elain, ndabuya, ndahlala. Kube mzuzwana ndiheli hayi, yafika intliziyi ethi, ubawo akaboni, mandihambé; ndesuka. Undibona yena sendithe qelele. Uphindile wandimemeza, ndabuya. Kule ndawo ke ubawo uneqela labantu; kwakhiwa ndlu ithile ngezinti, ngamadoda nabafazi. Liphindile okwesithathu libona ngam eli qela, sendinjeya! Lithe lisajongile, libona ngam ndisithi xhungu, ndisima! Ndibuye umva, ndibuye ndithi nquimama! Ndinge ndingacwezel; hayi, kungalungi, lindikhohle! Yintoni bethu? "Makube ubona into;" livumelene njalo ngoku elaa qela labantu, kuba lindijongile. Akamemezanga ngoku ubawo, uze ngesiqu. Wathi akuthi phambi kwam, O, firamba! Zezi ntswana zinemisindwana, zide zitale ngemihlana xa zifuna ukutya umntu. Selilele ngomhlana, liyeza kum; ndibuya-buya nje lilo! Ndicweza-cweza nje, ndinditha, ndisithini nje, lilo! Alindivumi nantwana, lindimle endleleni.

Ufike ubawo walibetha lafa, walikhwelelisa. Wabuya ngam; kakade wandinika, ndayifunana loo nto ndandiyifuna, kwaphela kaloku ukufuna ukulandela udade wethu, uSatyi.

Apha phakathi kwesixeko esi, ndibe ndinelinye iqabane, elingu Simon Bhabala—uLangeni, into kaMehlo yasema-Ceten. Lo mfo ke unamininawa wakhe uPolisi (*Paulus*). La madoda nawo ndakha ndawahlisela intlekeli embi, elusizi. Ngasezantsi komzi apha eZingqayi, eDiken, kukho umfulana. Kulo mfulana ke kumbiwa ngamadoda idamakazi elikhulu, lokuze libambe la manzi alo mfulana,

ize isele kufuphi impahla naxa libaleleyo; kuba ibisezwa kude ngembalela. Yaye ikho ke wena le mpahla!

Malithi xa ligqityelwayo idamakazi elo, itsho kakhulu okunene imvula. Itsho lo mfulana ugqume, liwabambe elo dama onke loo manzi; iyekie imvula selizele newe. O! Baphumile abantu abakhulu ukuya kulibona idama, inxenyenya yalibuka, yada yakhulula, yadada. Emva koko ke kumkiwe ngabantu. Isenzeka nje yonke le nto, ndikho, ndiyabonela.

Kwalile ekumkeni komhla, xa impahla emfutshane esiyalusayo ithe xaka kakuhle phakathi kwekhaya, yonwabile emva kwemvula esithileyo yehlobo, ndee nqwakanqwa namaqabane am, uLangeni nominawa wakhe. "Bafondini! Anilibonanga idama, ukuzala kwalo. Kunjalo nje, bekuqujwa phaya. Hambani nathi siye kuquba. Yek'oko ke, ngemihlali emikhulu!

Sibe kuqala siza kuqubha apha enyeleni; koko ithe ke le ntwana, iyeyona incinane kunathi, yakhapha, yamana ukubhekela phambilana kunathi. Kunjalo nje iyasinyembanya ngobu bugwala bethu! O! Kubonakele ke ukuba nathi masinge sihambela phambilana. Sithe sakwenjenjalo, yathabatha olunye unyawo yona kunathi isidela roqo. Hayi ke ngoku, kwa oko, gqulukume! Gqi! Tshoni! O! Yenye ngoku le! Gqume kanjalo, Gqi phakathi enzulwini!

Kwesi sithuba ukhe walinga ukunceda umkluluwa wayo uLangeni, koko naye udibene namahla-ndinyuka, kwaba kukwenza kweNkosi ukuba abuye aphume. Uphume wanikwa ingqondo entle, yokubaleka asinge ekhaya! Uthe esezantsi komzi, wawutsho ntya umkhosi—ngathi ndisawuva—esithi, "Nank' uPolis' edameni!" Akaphi-ndanga kabini—kuthe ukuthi bhazalala kwamadol' omkhosi ukuza! Inguyise omkhulu phambil, obethe kanti nanku enqanda iigusha kwasezantsi komzi apha. Ufike wazigibisela, warthi hiasi selehluthi ngamanzi, phofu engaphe-

zulu kuwo. Wamphakamiisa, wavakala esithi, " Hayi ke bethu ! Hay' ilishwa lasemaCeteni ! "

Utsho waphuma naye, wayesel' ebambisene ngaye kunye namanye amadoda. Onina nonina-khulu babesec belapha nabo, bezithwele entloko izandla, sebesitsho esofileyo. Ulaliswengesisu kwindawo elithambeka, wabhekiswa intloko czantsi, sacinezelwa kuthle isisu esi ; wawakhupha ngomlo-moo loo manzi. Waba uyaphila njalo, noko ese budenga kodwa wagoduka ebanjwe ngengalo, chamba ngeenyawo zakhe. ULangeni watshizwa ngoswazi nguyise-mkhulu ; koko onina-khulu bakhala ngokungakumbi besithi, " Hayi, yise kaMehlo, 'sukubagqibela bonke ! " Bona babe-qinisekile, ukuba uPolisi uza kufa.

Umfundi uya kuthanda ukukha eve ukuba mna, mqali wale nto, ndikhe ndenza linga lini na lokuneda kwesi siyengelezane. Kuthe mna kwasentloko ndakuonda ukuba, " Tyhini zimbi xa kunje ! " ndacea koxhongo, ndayithi hla siyentshana yam, ndela ematyholweni, kwala asecaleni ledama eli ; ndamana ukundanda, ndibe kweli, ndibe kweliya, lindikhohlile, ndingenalo nethutuya lokuyinxiba nale hentshana ! Ndxaxela laa mhla kaBhayi Joji ; andafuna phofu ukuba ndisithele kanye, andafuna nokuba ndivele kanye.

Erofwa nje uPolisi sendiphezu kwedama, ekhutshiswa nje amanzi, sendilapho nam phakathi kwabantu, ihempe isaphethwe ngesandla. Ndixothwe kalukhuni ngubaw' omci uFuku esithi, " Nditheth' inene, ufanciwe kukubethwa ! "

UBawo ubekholisa ukungabikho, chamba czinqweleni, okanye emisebenzini, engumongameli wabasebenzi bezo ndlela ziphakathi kweRini neBhofolo.

Kuthe ngenxa yezi ziganeko, abantu ngoku, abathanda ukuba ndiqhelane nabantwana babo. Ndicinga ukuba babesemfaneweni ngaloo nto. Noko ke akunkqangwanga

matyala, kuba abantu ngezo mini babesenazo iingqondo zobuntu obukhulu, beyazi into yabantwana.

Ndizidiyuphule ngokwam, ngenye imini ngento endingayaziyo. Mandithi ndibone kwiintsku ezingaphambil ubaw' omncinane, ebaleka egqitha phakathi kwebubu leenyosi elalibhubuzela, lingahleli ndawo ; abuye aphinde abuye kwangokubaleka, chleka. Kubekho abamthethisayo ngayo le nto, besithi uya kuda enzakaliswe ziinyosi, kuba zazide zakha zamngena nasezindlebeni ; koko yena waqhuba waphela ngelakte.

Makube ke omdala lo uyithabathele ekubenit bubukhalipha obungummangaliso, le nto yensiwe nguyis' omncinci ; kuba ngazo ezo ntsuku, ndithi ndihamba namantombazana amakhudlwana, sibone ibubu leenyosi lihleli phantsi. Ndisuka ndiye kuma phezu kwazo, ndinxibe loo hentshana ; ndithethe ndithi, " Wenjenje yen' utata ! "

Azibangakho kuloo mfeketho zona iinyosi. Zinge ziyadlala xa zithi " mvi ! " ndithi, " shu ! " ndiye kuphattha kuloo ndawo. Hayi, ngoku, zanyanisa, nam ndangxamisa ukuthi " Shu, shu, shu ! " Ee, ndabhombozo. Zaye sezinyuke nehempe le ngaphakathi, zawugqiba umzimba wonke, zaya kuma nasentloko. Amantombazana wona ayzania ukuba mandivuke, koko andishenxi, ndibhonga ndimi kule ndawo ! Ide enye yeza yandithi hla, yabaleka nam ! Yinto ke leyo endadumba umzimba wonke, nentloko, nobuso ! Ndagula. Angxoliswa ke loo mantombazana ngokumyeka umntwana atyiwe ngolu hlobo ziinyosi !

Ngamhla uthile ndibone abantu besisiqu, amadoda nabafazi. Ndiyile nam, ndabona, O, ngamapolisa aNtsundu ; mabini, asemahasheni. Andiyazi into ebithethwa nawo, kuba ndifike sekugqityelwa ukuthethwa. Ndive nje xa lithi elinye ipolisa, " Madoda, funani, indoda musan' ukonwaba ! " Ibe mnandi le nto kum, ndase ndimana ukuyiphinda-phinda, " Madoda, funani indoda musan'

ukonwaba ! ” Kude kwakho amadoda ayithabathel’ ingqalelo le nto kum, noko mna ndingaqondi nto.

Emva koko ndive kusithi, apho kudibene khona iqela lamadoda, ndibizwe ndiphewe esandleni into ayityayo, kungalityalwa ke ukubuzwa, “ Hi, Sami, kanene lalisithini elaa polisa ? ” Ankqwila-nkqile ke omdala, ade avakale esithi, “ Lalisithi lona, lalisithi lona, ‘ Madoda funani indoda, musan’ ukonwaba ! ’ ” Otsho alahlane ke amadoda kukuhleka !

Ngalonke eli thuba, andiyazi le nto ihlekisayo apha emadoden, ndaye ndingayinyamekele nganto kanjalo. Sendize kuba nosifana ngomhla endandikwabiziwe, kukho ke kakhulu loo mhla abafu bakwaGaga abangamaMsengu. Kuthi xa kuhlekwayo, avakale u “ andikhathali ” apha onguyise kaBhayi Joji, “ Niyeva ke, maMsengundini, ukuthetha kwenu kuqondwa nangumntwana ! ” Kanti le nto ihlekisayo leli gama lokugqibela, lithi “ musan’ ukonhwaba,” apha ngelisithi, “ musan’ ukonwaba.”

Umfundi uya kuthanda ukuva nangale ndoda kufuneka ifuniwe. Kanti le ndoda yinkwenkwe enkulu, uRichard Somyo, walapha. Ucothelwe emphahleni endle, ngamakhwenkwe amabini akwaGaga, babesakuba namadabi nawo. Athe esamcothela, wawabona, walunga ; uthu ukuphakama kwakhe, wayitsho enye, yafa, yangcwatywa, enye yaba yingxwelera. Wafunwa, wasunyanwa, wagwetywa yijaji, yamnika nekatsi.

Sibe sabonana, saqhelana, sesingamadoda nje, nelo polisa, uNdinisa, kwanenkwenkwe leyo yayifunwa, seyiyindoda emzi mhle, mklulu, ikwangumKristu omhle kunene. Besisamana ukuthi sakuhlangana, uve omnye esithi, “ Madoda, funani indoda ! ” Ayiggibele omnye loo ndawo ngelithi, “ musan’ ukonhwaba ! ”

ISAHLUKO VII. KWACENTANE.

Ngomnyaka we-1885, okuthiwa ngesiXhosa ngumnyaka “ weNdala yoMphunzisa,” okanye ngumnyaka wesit “ Twayi,” phakathi kuwo loo mnyaka, ufudukile ubawo eZingqayi, eDiken, yek’ oko ukujuba kude, kuyisekazi uNzanzana, kwaNgede, kwaCentane, phesheya kweNciba, kwelakwaGcaleka. UBawo esenjenjeya nje, ushiya uyise uKrune apha eKrwaktwa, eT’hum ; koko ucinge lowa uyise wayemkhokclela eseyinkwenkwe.

Ngelo xesha mna ndiminyaka isithoba, ndiphethe oweshumi ndikho. Be kusithi oko, xa kuthethwa ngelizwe lakwaGcaleka, uqonde ukuba umntu akathethi ngalizwe ; ade asinge nempumlo, ubone ukuba lingaba nalo nevumba eli lizwe—iintswelo, iindlala, kwaye kusithiwa neemfazwe zisekho khona.

Nam bendisakuqhulwa futhi ngabantu ; behona ukonwaba kwam njengomntu oza kuya kwizwe clinjalo. Bendisakubuzwa ukuba iziqhamo ndizithanda kangakanje, iilamuni, amasiya, iipesika neckwepila ndiya kuzifumanaphi na, zingekho nje kwaGcaleka. Impendulo bendisuka ndinqumle ngelithi, “ Andizifuni.” Ndithetha ke umntu wobikela omnye, omnye axelete omnye, ukuba, “ Uth’ uSamyeli akasafuni namasiya nakwepila, nantoni eziziqhamo.” Bekusithi kwakubuzwa ukuba ndithanda nttoni na kwinto enjeya yelizwe, ndiphendule ngokuthi, “ Ndiya kuhlanga lakowethu mna.” Bekusithi kwakuthiwa, “ Uya kuthini ke xa kuliwayo, ililizwe leemfazwe nje eliya ? ” Ndiwuqabele nałowo umbuzo ngelithi, “ Ndiya kulwanam.” Yinto ke leyo, ezo mpendulo bezide zihlalutywe, zinge ziinto ezithethwe ngomntu omkhulu.

Kuthe xa zisondelayo iimini zokuba sifuduken, ndabona ngodad’ ethu omkhulu, uSatyi, engabonakali ; kanti uqeshiwe esinaleni eLovedale. Kwabonakala ke ngoko

ukuba akafuduki nathi yena ; woza abuye alandele. Kuhambe mna ke nobawo neentwazana zakowethu ezimbi-ni ; kuxa ziphethe ishumi elinesithandathu enkulu kuzo, enye ilishumi elinesine.

Sihambile saya kufika kumzikazi omkhulu kunene ka-Nzanzana, osisibonda saloo ngingqi. Saye sithwelwe yinqwelo yento kaTyam, umCete, uyise-mkhulu ka-Langeni, owayesiya cThuthura yena. Kwalapho ndamva encokola esithi, "Ukuiba ndandiqondile, ngendasuna iindawo kwangaphaa kulua mazwe aseKoloni."

Ndiyanakana ukuba nathi safika ilizwe lilibi jikelele ; safika ngenyanga yesiLimela, kungasekho nodiza nasemasimini. Ubawo wayeyibonisiwe le nto engekesuki eZingqayi ; koko ubawo wayengenifo ulizwi lifumana lijikelwe ngaphambili, nangani wayengumfo osisithuli ; kuba licinwe ithuba elide. Liphuma nje, liphuma selojiwe layuthwa.

Makwanele xu ndithi, yawudlavula umzi loo ndlala yaloo muyaka—indlala eyaziwa ngegama lokuba yndlala yo-Mphunzisa. Umphunzisa ke ngumthi abada abantu bembwa wona bawutya ; kuba phaya ezinganljini zavo kukho isi-gaqa esingangethang,a, ekube kusetyenzwa sona sityiwe, noko bekungekho bunnandi banto.

Kwavakala izinto ngezinto ezimbi, zokubiwa kweempahla zabanye abantu ngabamelwane babo ; nokuvulwa kwezisele zokutya ; nokuqhekezwu kweevenkile. Mandithi yada ngoncedo loPhezu-konke, yadlula loo ndlala, kwasika indyebokazi engenganganto.

Kwakuso eso sithuba saloo ndlala yoMphunzisa, iinkomo nazo zingenelwe yinto engaziwayo, ekuthiwa ukubizwa kwayo, sisitwayi. Ibisakusuka inkomo ibhitye ibe lugogo, ubo umzimba lo ukhuthuke wathi bo. Loo nto ke izele ngamakhalane nemikhaza, neendlanga. Lindlebe ezi ziophya, zithi xhi ; bude ngamaxa wambi ubuhlanti obu bube nevumba xa iinkomo zikhoyo. Kwa-

ye, ngomnyaka ongaphambi kwalo, kudlavula isifo apha ekwathiwa "ngumanz' abomvu," ngenxa yokuba inkomo ibisuka itsho ngomchitho obomvu, nomzimba lo wayo uzafe ligazi. Zasa kakhulu iinkomo seso sifo.

Zithe ezi zifo zawaxaka kakhulu amaNgqika, kuba ayesafika kakhulu wona kwelo zwe ; kuba ayegxothelwe kulo emva kweMsazwe kaNgeayechibi ngowe-1879, eyimsazwe yesithoba phakathi kwethu namadoda aMhlophe. Akalithandanga amaNgqika konke elo zwe ; zithe nezi ndlala, nezi zifo zempahlala, zatsho kwaba ngakumbi. Laye ilizwe lenile ngengca ende, namagaju amadobo ; yabe ingqokqwane novivingane ekutyeni, ezo nto zingaqhelisi. Iintswelo zezinto zokwambatha namachebetyu kwimpi yesikolo zitsho babaninzi ababuyele kwasebuqabeni.

Loo miNyaka miThandathu.

Besenditshilo kambe ukuthi, apha kwaCentane ndahlala iminyaka yamithandathu, isusela kweyeNtlaba, 1885, iye kuthi xhaxhe kuTshaziimpunzi, 1891. Yomithandathu ke loo innyaka ibe yeyefundo enkulu kum yezinto zesiXhosa, kwanentetho yesiXhosa ngokwayo. Ndaqala apha ukuyibonela imidudo, neentonjane ; ukuxhentsa nemiyeyezelo yabakhwetha ; anagqira okuvumisa iinkonzo zozeko nolwendiso, umguqqo, ukutyis' amasi nokutshata.

Kanti kuzo zonke ezi nkondo, nala matile-tile, akukho nto ibingena emxhelweni wam njengokuzathuza kwamaphakathi enkundleni mhla ngomthetho, okanye mhla ngetyala. Kaloku sibe singamakhwenkwana akwasibonda ekube kusakuthi ke nokuba siyasenga cbuhlanti, nokuba siyadlala apha enkundleni, nokuba sisenzindlwini, simve uNdimangele ememeza csekude apha ekhaya esithi, "NdinguNdimangele!" "Sibe ke nathi sesimkhawulezela kwangokumemeze, sisithi, "Hambisa!" "Ndimangelal' uBani kaBani!" "Hambisa!" Wotsho ke uNdimangele

esiza, ade eze kuma enkundleni. Athi akugqiba athi, "Ndiyatshonela ke zinkosi." Ezo nkosi ke sithi.

Bekusakuthi ukuba kukho indoda ekhoyo, imqale kwasentloko uNdimangele, imbuze into akho ngayo apha Komkhulu. Yindawo yakhe ukuqalela kwaseqondweni, athethe kwalaa mazwi ebewatetheth kuthi ; imbuza buza indoda leyo, ingabi nanceba kuye ; ide yimbi itsho kuye ukuthi, "Ayivakali le nto uze ngayo." Ubesakuthi omnye ummangaali, akuva imibuzo eqatha apha kwasibonda, emke, angabi sabuya ; kanti uya kuzama iindlela ezizezinye zemvisiwano nalowo ebemimangalela.

Ngaphandle kwala matyala-tyalana ke, ndiya thanda buza ukuba inge ikho inewadana apha ekhe yazitsala iingqondo zabantu abakhulu nabancinane beli lizwe, ekuthiwa li "Tyala laMawele," kuba yafukanyelwa kanye phezu kwezi ngxoxo.

Phofu isimanga, akunamdl a kum wanto ukuthethwa kwetyala enkundleni yesiLungu. Ukuba ndandingabanga kwaCentane le minyaka mithandathu, ngathi kum nge-ndingazange ndibe luncedo lwanto ebuzweni endibubo ; nemfundwana endinayo ngathi inge ingandenzelanga nto, inge ingabanga luncedo kumaXhosa ; nam ngathi ngendiphantsi, kunalo mgangatho ndikuwo. Ndiyambulela ubawo owanyanzelisayo, waya kwaCentane, kanti uya kufundisa mna kowethu.

Ewe, isikolo ndisifumene apha kwelo zwe ; kodwa umsebenzi wam yayikukwalusa impahl a enkulu nemfutsthane. Ithuba lesikolo alibangakho kakhulu. 'Ungasel' uqonda ngokuthi, inkwenkwe ebukhali kangako ezifundweni ibe minyaka mithandathu ikwisiqibi sesithathu, kwanjengoko yayifike ikuso, iminyaka isithoba ubudala. Ithuba lokuvavanywa ngumhloli wezikolo bingingazanga ndilifumane, naxa ndide ndaya kwisikolo esihanjelewa ngabihloji, saseCebe naseLusizi.

Bonke abantu apha ekhaya bebendinqwenelela kakhulu ukuba mandifunde besitsho suthi ukuthi, "Le nkwenkwe iya kuba sisilumko sezilumko ; kufuneka ifundi siwe !" Ubesakuthi noManeli uJ. M. Auld, kwimijikelo yakhe yokuvavanya izikolo, nemidibaniso yezikolo zakhe, adle ngokuphuma nam nodad' ethu uJane, sizuze amabhasso ; athethe kakhulu ngathi, ngakumbi kwiZibhalo ezi-Ngewele.

Ngakwelam icala, imigungqo yokubu ndisifunde ibinge-nganganto. Inewadi endiyibonileyo, nokuba liphepha limka nomoya, ndiya kulichola ndilijika-jike ukulifunda, nokuba lelesiNgesi, nokuba lelesiXhosa ; kuba isiNgesi ndandise ndisiqonda kanobom. Izibalo nazo ndandizisukela ngamandla, kungekho nto yemfundo ndiyiyekelleyo; ndithandaza, ndilile, ezindle phaya, kuba ndandiqonda ukuba yinene, yinene, imsundo iyandiphosa ; kanti angaka amabhongo am ngemfundo ! Ndandimeela kabuhlungu uThixo ukuba makangandiyekeleli, ndibe yinto engafundanga.

Kwisithuba esithile apha kwaCentane, mandithi malunga nowe-1882, kwabakho mantyi ithile eyathi yaba nothando kubantu abaNtsundu besikolo, yada yabacelela umhlabo omhle kunene waseLuzisi naseCebe kuRuhumente, ukuba bawume bodwa ngokwendlala yesikolo. Ubesithi indoda nganye mayibe nomhlabo ongangesama, iwulime ebusika kwanje ngaschlotyen, ityale imithi ; yenze amabhoma ; yakhe iingxande ; ifuye impahl elingene nedlelo ; ibiyelwe imizi ngeengecingo ; bafundiswe abantwana ; bafunde nabo ukuzilawula ngemithetho yeBhodi.

Ndinosizi ukuthi la madoda akazanga alisebenzise kakulile elo lungelo ayelenzelwe ngumantyi lowo, uWm. Girdwood, owabuya waya kuba ngumfundisi eThuthura. Kanti ke noko, kuye wonke uCentane, le ndawo isabonakalela intlambuluko nenqubela phambili. Nam xa ndikalela

khona, oko bendisesemva kwempahla, bendinamanxowa endiakhethileyo, anemijelo endiya kuyenza xa ndimkhulu ndifundileyo, nezitiya, nendlu eluhlobo oluthile ; ezo nto bendinengqondo yazo, phofu ndingenayo nehempe le enzimbeni.

Phaya ekwaluseni impahla ezindle, besisakuthi sidibane namakhwenkwe aMaqaba, azineoko zisana neyawo ingqe-qesho ; kodwa mna, njengenkwenkwe yakwasibonda, bendiyisumana kakhlulu imbeko ngakumbi kuba bendilungile nasezintongeni, into leyo ethetha lukhulu kumakhwelenkwe arnaXhosa.

Bendisakuya nasemitshotshweni ngeMiggibelo, nditsho ngengubo yegusha neentonga zam zombini. Ubusuku obu bonke mna ndihleli, anditshotshi, andichwechwi, andixhentsi ; ndilindele ukuba kuse, ndiqale ke ndibe nento yokwenza xa kubizwa umngeni kumakhwenkwe asemzini. Kothi ukuba akukho makhwenkwe elinye icala, sitsho kakhulu ke ngokuqobana sedwa. Noko oko kuthiwa kuckudlala, phofu nako kukwancendumza ezophayo, namanxeba, nemivumbo, neengongoma.

Kwiimfeketho zala makhwenkwe aMaqaba ke, ezinje ngokugibisela inkuku yomntu ; nokudwaba intsimi yomntu aye kojela ezindle, bendingazanga ndingene. Andoyika nayo ngoku, ngaphezu kokundihlonela. Akathanda ukuba imihlambi yethu idibane ; nam ndakholwa, kuba bendithanda ukutyisa emadlelwani anohlaza, mna ukuze ndive ubumnandi xa ubaw' omkhulu athi, "Uyindoda wena !" atsho ngokubona ukuhlutha kwezakowethu, ibe ilambile eminye imihlambi.

Kuthe ngenxa yokuthenjwa kwam ngubaw' omkhulu ngasempahlen' apha, nokubuza kum yonke into esisonakan, ndangena ngoku ndagagamel. Ndabopha iinkabi, ndarola amahlahl, ndabiya, endibone ngathi iyafa, ndiyiseze. Ezi zinto sendizenza ngegunya lokuba ndiza kubuzwa ukuba, " Ubuthembiselana nabani na ngale nto ? "

Kwesi sithuba ndingenwe nakukuzitsho okuphantse, kwaba yingozi. Ngenxa yokuba ndigcina impahla, ubaw' omkhulu ngoku wenze ilizwi eliqinileyo kubafazi namantombazana, lokuba mandingathunywa zinto-yinto zase-ndlwini, hleze ndiphulukane nempahla. Loo nto ke ndayithabathel' apha, ndimalele umfazi endithuma, ekhawulezile.

Umfundi uza kukha ngemfanelo anqwenele ukuva ukuba uphi na ubawo kwesi sithuba ? Zabe ziphi na zona iintwanazana zakokwethu ezimbini ? Hee, ubawo waya kuba seRini yena kwanini. Senditshilo kambe ukuthi, yena lithole lasebasfundisini ; wanga uya kusebenza eRini aphi, waqubisana nempi yakulonina, amaLawu ephethe inkonzo yaseRabe ; waphathelwa phezulu ke ngoko ! Azi umso ufundile ? Azi umso uyasithetha isiLawu ? Waba ngumso welo zwe ke ngoko, awada, njengoko senditshilo, wangewatyelwa khona, sel' ede wabuya watshata nentombi yakhona ngomnyaka we-1882, emva kweminyaka engamashumi amabini ananye engenamsazi.

Intwanazana zakokwethu zikho apha kune nam. Azi ndigcine ngako ngasese ! Ziyandiyala, ziyandibonisa, ziyandithethisa. Nakulo moya ndlingene kuwo wokuzitsho ziyawuchitha-chitha ; koko zona ziba ndiwusumene kubantwana baMaqaba, aba ndihamba nabo ezindle. Ezi ntwanazana ke zombini bezikhe ziqeshwe zifundise, okanye zibe kwiivenkile ezithile zeli lizwe, zisebenze. Leya inkulu yayisele eDiken, yona yatshatiswa ngubaw' omkhulu uKrune, itshatela eLovedale, kuKlass Mayekiso, oyinkosana yasemaGqunukhwebeni, ngomnyaka we-1889

Ukuphendulwa koMthandazo

Kuizo zonke ezi zinto ndizenzayo apha, akukho namnye umntu obewazi umva-ndedwa wam, neentlungu endibe ndinazo entliziyweni yam, ngokungafundi. Iintombi ezi zakokwethu bezikhe nazo zindivele usizi ngale nto, zithe-

the kabuhlungu ; hayi, mna ndingabonisi nento le ; zide zikrokre, ndinge andisafumi kufunda.

Iinkonzo zeCawa bendizinyamekele kwakangako ; koko impahla ibingandivumeli ngangoko ndifunayo.

Kuthe kwesi sithuba, yafika ezindlebeni zam into yokuba ubawo ufuna ndiye emfundweni ; koko yamana idukiswa kwalapha ; kungengakuba akusunwa ukuba ndiye emfundweni. Ingxaki iimpahtla le, kuba noko zikhoyo ezinye iintwana, le indim ayingeze nakanye ibe nankuhuleko.

Kwesi sithuba umfundu uya kuphawula ukuba akasekho ubaw' omkhulu, uNzanzana, uSojosi, njengoko asweleke ngeyoMqungu, 1891.

Yaba luvuyo kubantu abaninzi, mhla wathi qatha udade wethu omkhulu, kune nomyeni wakhe, besithi bathunywe ngubawo ukuba beze kundithabatha, ndiye kuhlala kubo ndifunde. Yaba yinkinge apha ekhaya, ukuba le nto iza kuthiwani na ! Benz'e iintsuku ezithile aba bantu, bengenaliwi limiyo baliniwayo ; lukho ukuthi, " Siza kumsa ngokwethu loo mntwana emfundweni, ekuthini, okanye ekuthini-thini."

Bobabini aba bantu bathunyiweyo ngubawo, asikuko nokuba bathambile. Ilizwi lomntu abakwazi ukuliqabela, noko ikhoyo imihlabo yokwenjenjalo. Kubonakele ke kubo ukuba mandishiywe.

Mna ke ngeli thuba andikho apha ; ndiseCebe, kuba impahla yayininzi khona. Kuvel'e enye intwazana, ephakathi, uLegina, yabuza isithi, " Ke kaloku niza kujika ningambonanga nokumbona na lo mutu ? " Ityhudisile okunene intombi enkulu, kune nomsakwayo lo. Yek' oko ukusinga aphi ndikhona, eCebe, isithuba seemayile ezimashumi, mabini.

Ndithe mna, ndisadiniwe, ndivelu eGqunge, ndaqibula iTestamente, ndatyhiila kwi " Sinayi entsha." Ndithe ndisafunda, ndilele ngesisu, xa ndikumga othi, " Banoyolo abalambela banxanelwe ubulungisa, ngokuba beya kuhlu-

thiswa bona," ndithe phaka amehlo, ndabona abantu ababini abangamankazana besiza, sebekufuphi. Kanti ngodad' ethu bobabini.

Bufike bayixela le nto yokuba bebephuthume mna, ke akuyunywanga nam ekhaya. Ndive besatslo, ukuba ndiya kuhamba mna ! Okunene bathe xa bajikayo, ndayixakatha ingubo yam yegusha, ndazithabatha iintongana zam zombini, ndashiya gxavalala ; impahla isemaxandkeni phaya, kungekho namntu kakuhle oma kayikhangele. Nomnini weli khaya, ubawokazi uJoz, ubengekho, phofu engayanga kude. Yek' oko ukusinga kwaNgdede, emzini omkhulu. Akubanga sabakho zintetho ziminzi, hayi, kuba bonke babekubona ukuzimisela kwam ckuhambeni. Abathanda kundaphula uluvo, ngento esemhlotsheni kangako nakufo.

ISAIILUKO VIII.

EMFUNDWENI EDIKENI.

Umhla esanduluka ngawo kwaNgdede wawuloLwesithathu ekekini, ngomhla weshumi linesihlanu kwinyanga engu'Tshaz' iimpuzi. Sapluina sibane ngentwana eyintanga yam, eyathi nea, ifuna ukuhamba nathi, ukuze igqithele kubakhuluwa bayo ababeseBhosolo. Yaye iyenza loo nto buzimela, kumzi wesibini kamina, ebihlala kuwo nonina lowo. Igama nguHlulanu.

Uhambo lomhla wokuqala lwaba lubi, lwanzima kakhulu, kuba saxeletwa iindlelana zeenyawo, ekuthiwe zezinqumlayo ukuya ebhulorweni eNciba. Satyhobeka kakhulu, saya kucela indawo yokulala kuNjamkhulu, xa litshonayo ilanga. Sayifumana kumzi wesithathu sesikhe sayilandulelwu kwemibini. Nakulo wesithathu sibusiwe ukuba, thina maNgqika singabantu abahlala besuna ntoni na, sidinise kangakanje ngokucela indawo

Sabufumina ke noko ke ubuthongo, sikunye neentwana ezimbini zasekhaya apha, ezazilele kufuphi nathi.

Sivukile ekuseni ukuba sihambe. Yinile ? Inqawa entle yomyeni wodad' ethu ayivakali ndawo ; kwagqu-thezwa, kwafunwa ngumnikazi weli khaya, owayelele kwa-kuyo le ndlu naye. Athi akubuza kwezi ntswana, zithi, " 'Soko silele thina ! " Angqine phofu naye athi, ' Hayi ke khona 'soko belele ! " Ithe kanti inqawa ibiwe yenyenzi ntswana, yafunyanwa, sahamba.

Siyiwelile ibhuloro, saya kutsho eMasunguzaneni, esoyi-keka kakhlulu ngezo mini. Umkhwe usele eNeiba, enko-kola namanye amadoda. Side saphumela ngaphaya, kungabangakho zothuso zikhulu.

Sithe siyaqabela, nqwakanqwa neenqwelo czikhululeyo emaqqaben, kanti ziinqwelo zomfo kaTyham, umCete lowa sasiwele naye.

Sinduluke ngezo nwelo aphi, zasiweza iGqunube ebusuku ; sashiyana nazo eMthonjeni (Kei Road) zikhulule. Sahamba thina saya kutsho eQoncc. Ndithengelwe aphi iibhulukhwana nebhatyana, noko zingalinganiselwanga kuin ; segqitha saya kulalisa eLukhalweni (Debe Nek). Ngomhla olandelayo woMgqibelo, siye kufika ukutshona kwelanga eLovedale.

Ngengomso ngeCawa sibukele nale ntswana izinto-yinto ezintsha zalapha, ingxokozelo, ihombo, ubuninzi babantu, zaye iintwana zalapha zisibuka nazo. NgoMvulo umhla wamashumi amab ni enyangeni leyo, ndisakwe ibhulukhwana nebhatyana, okokuqala ukunxiba ibhulukhw, oko ndathi ndakho. Isinxibo sam konke oku yihentshana yekeleko, nengubo yegusha, ibhatyi bendikhe ndiyambulelw ngumntu. Ingubo yegusha ke yasala yona kwasekhaya kwaCentane, into enxitywe ndim eluhambeni yihentshana eluhlazana, nebhatyi enkulu yamapolisa, endandiyambulelw ngubawokazi, owayelipofisa kwaCentane. Kum le

bhatyi iy'dyasi enyan sweni, kuba ibetha ezantsi kwamadololo.

Hla ke, mfundi, ukuduma kwam apha ngezi zambahath zam ! Ngobudyudu-dyudu bokuhamba, ngokomelela nzii kweziqula yakha yayinto leyo ezincokweni zempi yesikolo, kuba ukuphuma oku esikołweni bendiya nd'zi-khulule ezo bhulukhw, nezo bhatyi, nezo hempe, ndifake ezi zam ndiziqhelileyo.

NgoMvulo wamashumi amabini enyangeni, ndisiwe ngudad' ethu kwesaa sikolo singasemjelweni, bekuthiwa oko kuseStation School. Esi sikolwana besingagjithisi kwiSiqibi sesiThathu. Nam ndandicinga okokuba mandiye kuqualisa khona, kuba ndiseLovedale edumileyo. Ndithe kanti ndizithobe kakhulu, kuba neSesine iSiqibi sasingayi kundilingana. Imsundo yam kule minyaka mi-thandathu ndikwaCentane ayimanga ndawo, noko ndingazanga ndiviwe Mhloli weZikolo.

Usike udad' ethu wankqonkqoza, kwathi thu intokazi yomLungu, ethe kanti yiyo eyongamele esi sikolwana. Itslo kwaphakathi, yabiza umfana wokuza kutolika, owathi kanti nguMnum. uMark S. Radebe, wakwaZatu. Ungomnye wabafundi apha eLovedale, oncedisayo ke kwesiya isikolo sabantwana, njengoko kwakutshiwo ukubalulwa kwaso. Ngelo xesha ke iminyaka yam yokuvela ilishumi linesihlanu, lineenyanga czikwantlanu ngaphezulu. Ayibanga niuzi into yokuthetha apha. Ndingenisewe ndahlaliswa. Ndaye ndiboyika naba bantwana ndiza kufunda nabo. Ziintombi, zinde, ngamakhwenkwe makhuļu. Aba bantu bayathetha, baqabukiļe, eneneni basile : kuba ezi iititshalana zineedisayo abazenze nto. Bathetha zisiva, bathi, " Yho, ubani lo, uba ukwayititshala naye ? "

Kuthe kwangayo loo mini kwamhlophe ukuba le klasi asiyiyo yam. Ukuba izinto zazicoselelw ukukhangela, ngendahlala loo veki yodwa aphi, ndasiwa kwengasentla iklesi. Ntwana zibe zikhe zilinge ukusondela kum ngu-

David Gysman, no Fred Vockerodt, ongumfundisi wase Bhapatizi, eQanda. Kube kumanu ukuza abafana abafundayo, beza kuncedisa inkosazana kaMcGillivray lo : abo bafana ngaba banumzana u'Thos. G. Nqandela, owayethandwa kakhlulu yile mpi yesi sikolo, imhlonela noko yena, ephatha isiXhosa nengoma ngomhla othile wengoma; uMark S. Radebe, uCandlish Koti, uWm. Mzamo, uWilson Yani, uYekelo Mbali, uSimeon Seisa, no James Nyanda, indoda esahle savana ; phosu ilula, ilulamile, idelwe ngokungaphaya yile ntsapho yalapha.

Ndizitsale iingqondo ezi titshala, ngokuba bukhali kwinto yonke, ezinye ndizinceda ngokwam esiXhoseni. U-Mnum. uNqandela yena waba phandle ngokundithanda.

Kuthe kuphi, wabhubha ngebhaqo unina weNkosazana le ibiphethe isikolo, yaba iyayeka ke ngayo loo mini. Kusakwe into kaNqandela ukuba ibe nguMongameli. Kwesi sithuba kufike abafana baseLusuthu, namakhwenkvana abeza kufunda kwakwesi sikolo ndikuso. Abanye saba kunye, abanye baqaliswe emva. Amagama enxalenye yabo ngawo la :—John Rasebulelo, Sam Ramakatsa, Simon Phamotse, Manama Molapo, Jas. Rangaka Makepe, Legonyana Tsupane, Jesse Makgothi.

Ekupheleni komnyaka usikile uMhloli weZikolo, uCanon Woodrooffe. Ndaba ndiyaphuma njalo aphi, ndinyukela ngasentla eSinaleni.

Ngelo xesha ke, indumasi yokufunda kwam yayise isizalise sonke isixeko esi. Ndidumyiswa kwayintsapho le ndifunda nayo, yathathelw' apha ke loo nto nangabakhulu ! Kuthiwa, "Laa ntwna ivela kwaGealeka isuke iyifunde inewadi iye kuyigqiba, ingayikhangel nokuyikhangel ngamanye amaxesha." Ndibone ndive nam xa ndihambayo, kwalathiswane : "Nantsiya ke ! Nantsiya laa ntwna besithetha ngayo ! "

Ngokunye ukuhlwa kwabakho ikonsati kulaa nkonzoyabaNtsundu, isenguMsu. uP. J. Mzimba, umfundisi

wayo. Sinyulelwce izifundo esiya kuzenza singaziboni, bathi abanye bazinyulela. Nam ndizikhethetele ku "*Hambo loMhambi*," isahluko sokuqala. Lihle lafika ixesha lam lokuba ndifunde ; hayi ke, nditsho, ndatsho, ndatsho, kwada kwavakala phaya endinkinden yendlu, kukho indumasi yokuthetha, nentshukumo, nolwandile endingaluqondiyo. Kanti yile mpi indaziyo, ixelela abanye isithi, "Wenjenje ke laa mntwana nasesikolweni. 'Uya kufunzelu ukuyigqiba yonk' inewadi 'bona nje !'" Kude kwa-kho izinto ezivakalisayo ezithi, "Kwa-wu-u ? Yhu ! Ngu-Mankangula ! "

Ude umfundisi waphakama, ezama ukuzolisa olu lwandile lukhoyo, koko uze kuma apha ngakum, waphakamisa isandla ukuba kuzole. Ndide ke ngelikade ndaggiba, ndaya kuhlala. Uthi kwathini ke ? Ezango-mso zivele zisithi, " 'Ubona nje laa mntwana ide yanqandwa ngumfundisi phezolo. Ibiza kuyigqiba yonke laa newadi, inewadi enqabe kangaka, " *UHambo loMhambi!*" Kubekho nababebona ukuba, " Hayi, iphambene laa ntwna. Aniboni enxibe iminqwaz' eqokobhe nje ? Aze atsho ngemijiva yemithika ngezinye iimini ! Ngomny' umhla wayetsho ngezobufundisi mpela ! "

Ibe yingxokozelo enjalo ke ekusikeni kwam eLovedale. Ezi zinto zithethwayo ngabantu, bezisandisa noko phezu kwezinto ezikhoyo ; ubudyudu-dyudu, ukuphendula kamsinya, ublobo lokunxiba, ukugila abanye abantwana xa kudlalwayo, njalo-njalo.

Apha ke kwadad' ethu ndibe kwangumalusi weenkomo, noinsengi. Naxa kufinywayo bendikhe ndifunqile. Amakhwenkwe endihamba nawo kwezi ndawo ziinto ezi-nkulu ; eneneni ukuqala kwam ukuwabona ndibe mna ngabaflo ; kuba neentshebe selenazo la madoda. Ndihle ndabona noko kwangezimbo ukuba asimadoda la. Aye echunutywe kunene ngabafana, into leyo endandingayili ndele nganto kwisikolo esingang eLovedale leya.

La makhwenkwe ke, akukho nto abeyithanda njengokubonela amakhwenkwanwa esilwa, mhlawumbi ebhutiana, engqulana. Ndithe ke mna, njengomfiki, zakha zavavanywa kum zonke czinye iintwana czi. Inkathazo ibisenziwa ngabo nongqovu phakathi komzi lo, yayingenganganto. Kufikwe intwazana iphekile, kungekho mntu mkhulu, ityiwe ithiwe tu loo mbiza ; kumkiwe, kuthiwe, "Uya kuthi besilambile." Kufikwe intwana isenga, kuthiwe, "Suka, lumiini olo bisi !" Yanyiwe loo nkomo. Inja nokuba yikati eboniwego, ifumane ihamba nje -e-e, yinyamakazi leyo. "Qhewula !" Kakade oku iya ku-sinda esindayo ngezikasibi, ife esayo. Umntu ongaqondwayo waseinzini ngakumbi ukuba ubo nobudlaka-dlaka impahla le, uya kucothelwa lowo ngoraty, eve yena ngeentonga sezingathu zikhwa kuye. Kubalekwe ke, kuthiwe dun, engayazi yena into emhleleyo.

Akuhambanga thuba lide, ndaingenia ngoku, ndiq'ielana nezi zinto. Kuba kaloku, othe waqhuba kakuhle ezintogeni, uhle anyuselwe kudidi oluphakamileyo. Phofu isikolo sona ndasigcina, ndide ndicengwe ngemihla yemitsato, ukuba inandingabi saya nam esikolweni ; hayi ndibe nje ! Siye ndakuphuma esikolweni ; uve ke iinto ezinkulu, "Kwaku ! Asizontombi ; Zakha zangakaphi !" Mna ke ndiza kuzoyika nezo ntombi. Zinjalo nje nazo zindivuyelele, zindiqonda ukuba ndiyazoyika.

Ngaloo mihi yayingekabikho le minyaka mithathu yokufundela ubutitshala. Ubesakuthi umntwana ophumelele iSiqibi seSiblanu, angenele ubutitshala ; athi ukuba uphumelele, abe ubugqibile ke. Makaye kusundisa xa angazi kungenela imfundiso ethe tyi.

Mna ke ngoku ndandise ndikweso sigama sokungenela ubutitshala. Ndithe kanti negama lam noko sendilibhalile ezingqondweni zabantu abangabo. Kuba kwisikolo seCawa ndive sendikhankanyelwa phambili ; ngokunjalo

kwiQela leThemba. Kwathi kanti nokuvuma oku czinkonzweni kuphawulekile eluntwini.

Oku kufunda ke yihlo bekungelula kakhulu. Kuba unkabi lo kuthe kuphi waqeshwa, wasebenza apha esinaleni azuze loo ntlawulo yabafundi ababefunda ngemini esikolweni, oko kukuthi abangahlaliyo phakathi esinaleni.

Intlawulo Yam yaba yipeni ngeyure ; iiyure ke czintathu zasemva kwemini. Umsebenzi ke kukutshwenta izitalato zomzi lo ; nokuxhaxha iintango zamakhala. Bekusithi, mhla ngoMggibelo, ndiye kusebenza kunye namadoda ekumbeni uhlalu, nokudiba ngalo imigongxo ; kanti nase-miyezweni besikwasebenza, sihlakulela phakathi kwemithi. Umvuzo ke ngoMggibelo ububa ngangalo wamadoda asebenza ngemini, indaliso.

Bekusithi ngamaxhesha okuvalwa kwezikolo, ndiye e-Monti ; ndifike aphi ndisebenze endiufumene kuqala, nokuba unjani na. Kub'e kuzo czi hambo ke endaqalayo ukuwubona umzi womfundisi waseRabe uW. B. Rubusana; owathi, kuba ibingumzi wentombi kabaw' omkhulu u-Nzanzana, waba luncedo kum ngokwendawo yokufikela, neyokuhlala ; kuse ndifuna umsebenzi, ndiufuimane.

Asikuko nokuba ibimholisa loo nto umfundisi lowo, ukundibona ndithe nkqi ekusebenzeni ; aze abone ukukhawuleza kwam ukujika, ukuvulwa kwezikolo, ndisiya kwasemfundisweni.

Ndithe kanti ndiya kuphumela esikolweni sakhe mhla ndaphuma eDikeni ; phofu kungekabikho nto ndiyiqondayo mna ngemfundo yam.

“YITHI ‘NDIYINDODA ! ”

Uthe uthwasa umnyaka we-1894, ndabe ndinento engazanga indihlele, into yokungavumi kuya esikolweni. “ Yintoni ? Yintoni ? ” Babhula besela abantu, bengayifumanu into engaze ikhuphe mna esikolweni. Hayi mna, andahlala ndawonye ; ndahambela izihlobo ngezihlobo, kwimizi ngemizi. Obuzileyo ukuba kutheni na ndingekhona esikolweni nje, impendulo yam ibilula, “ Hayi akubangakho mali.”

Ngalo lonke eli xesha ndiyalungiselela. Intanga eziya zam, iimbovela zase*Lovedale Station*, zivakalisile kum ukuba zona lo mnyakanje zifuna ukuba ngamadoda. Andenzanga mathandabuzo ; ndilenze laqava elam lokuba, andiyi kukha ndishiyeye kuloo nkondo. Zithe noko zikrokrela ukuthi ndiya kunqandwa ngabakowethu, kuba ndimncinane, ndaye ndisenza kakuhle emfundweni, zalibamba lona izwi lan lokuba, andiyi kukha ndishiyeye nakanye.

Lo msebenzi ke ndiza kungena kuwo, ndiyawazi ukuchaseka kwavo kubafundisi, koko ke ndixolele noko kugxothwa, kunokuba ndingabi yiyo le nto ndinga ndingaba yiyo. Ndaye ndinesizathu ngayo loo nto. Engqondweni yam ndedwa, ndandiqonda ukuba ndiya kuba ngums, ebenzi kweli lizwe lakowethu lasemaXhoseni—ums, ebenzi kwizinto zeLizwi ; kwezentlalo yasemakhaya ; kwezombuso ; nakwezemfundo. Kwamhlophe kum ukuba andiyi kwenza nanye yezi zinto iphumelele, ndingabanga yindoda njengabo.

Nditsho ke, ndithi saba semalungiselelweni amakhulu neentanga zam ezo, ekuthe okunene ngomhla wesithandathu kwinyanga yoKwindla kuwo loo mnyaka sewuxeliwe, wadla umdlanga. Isimiselo ke saloo nto makuthi kwakugqitywa ukusikwa, akukhokele lo mfo usikayo, athi, “ Yithi,

“ Ndiyindoda ! ” Yolandela ke inkwenkwe nganye ithi,
“ Ndiyindoda ! ”

Sibileli ke ezindle apha, siqaba ifutha, sisambatha amabhayi ; kodwa inkoliso ikukuhamba z'e ngemihla ezolileyo. Ngokwenani sasingamashumi omabini anesihlamu ; nangani ngokoyika abafundisi ishumi lonke kwelo nani belimana ukuthwethwa ngobusuku, kuthi emini liye kunxiba amadlavu alo. Abo ke sabanika igama lesiqhulo elithi, “ Ngabakhweth’ abasimanga ! ”

Ndilapho nje ke, imfundo ngoku sendinendawo yokuyincama. Ndiyasazi isono endisenzileyo, ukuba sikhulu nokungaxoleki kwaso. Phofu noko andikancami mpela, ndisathingaza. Sibonakele siphuma siba ngamakrwala.

Kuthe kweso sithuba, ndagangwa ngumLungu othile kwalapha eSinaleni, wandiqesha emzini wakhe. Hayi ke, ndiphume ndingena phakathi kwabafundisi apha, bada bandiqhela ngobuso.

Kuthe ukuvuwlwa kwezikolo okulandelayo, ndakho nam, ndisuna ukungena esikolweni. Kwakho nenxenyenye yabaa “ bakhwetha abasimanga.” Bagxothwa abanye, bavu-nyelwa abanye ; kwangathu noko kukhethwa abalula bavu-nyelwe bafunde. Onongqovu abaya, hayi, akuqheli-swanga nokuqheliswa ngakubo. Mna ndibe kwicala labaxolewcyo, nakuba uMnum. uJ. K. Bokwe, igosa elikhulu labafundisi, wakha wandimika kakhulu ngamazwi, ukuthi ndisune iimfundo, ndize ndibuye ndiye kwenza iintlondi zabahedeni.

Iqalele kum ngelo xesha iminyaka emithathu yobutitsala, ngowe-1895. Loo mnyaka ke, ngesiXhosa, njengoko wobona kwinewadi yam engo*Izaluko*, kuthiwa ngumnyaka ka “ Qhwetha,” kaSiwani, owalekela u“ Sibethe,” aze yena alekelwe ngu “ Salakuphathwa ” (uGwebinkumbi).

Ukwamkela iLizwi.

Kwesi sithuba umfundi uya kufuna ukuba ndingaba ndaba yintoni na ngokwaseLizwini leNkosi. Bonke

odad' ethu abazanga bandiginyise mathe ngakwelo cala ; nam phofu ndithambile kakuhle. Kodwa ndandisazi ukuba akukho ndlela mbini : ndiya kuza ndisikwe, mhla ndiviweyo ukuba ndisesuthwini. Laye ke isutbu eli ndophele ekubeni ndiya kuliya. Ndazenza luhkuni ke ngoko, ndingafuni kubonisa nabani na ukuba landoyisa kwakudala iLizwi.

Umsundi kaloku mandimenzele ibalana lombla ndaqala ukuya esikolweni eZingqayi. Iminyaka oko yayisixhenxe ndikho. Ndandjhamba neqela labantwana abakhulu, abangamakhwenkwe neentombi. Sithe xa sikummango othile wakwaMadume, onamatyholwana, nemithi, nezihlablana, ndibona abantu bonke, shwaka ! ngokwamathole ezagwityi. Phofu ndaqonda ukuba abayanga ndawo, kuba ndiyabeva bedumzelu nje kulaa matyholwana. Ndifumane ndema apho, ndafumana ndamana ukubhekabheka. Kude kweza omnye udade wethu kum, wema njeya, wathi, " Hamb' uye kuthandaza ; kuyathandazwa apha ! "

Kwaku ! Ndiza kuthini ? Akukho ngxoxo nambuzo kule nto, kuba naye lo uthethe elo zwi, wasithela. Ndigenge kwityholo endidibene nalo kuqaña, ndaguqa, ndathetha nam, ndathi, " Thixo kaDafeti, kaAbram, kaYesu" O, aphela amazwi, ndakhangela emzini, nango uhamba, sewugqibile. Ndavuya, ndahamba nam.

Ibe kwayiloo nto ngokubuya. O ! Mandiqhuba isithandazo seNkosi, ndenjenjalo. Saphela kamsinya, ndaphinda ndahilomela amanye amazwana. Kwaggitywa ngumzi, kwalanjwa ; ndavuya, ndahamba. Ithe kanti le nto yinto yemihla, ukubhekaphaya nokubuya : mhla kushu-namhla kubandayo, isina, lizolile.

Le nto yaba sisiqalo sokuba umthandazo ndiwuxabise. Ngoku ndingaka, indawo enamatyholo andithandi kude ndiye kuyiphuma ndihamba ngeenyawo, ndingakhangaa ndiphambuke, ndimise ngamadololo.—Bona kwincwadana Yam, uDon Jadi.

Anandla omthandazo ndiwaqondile kwaCentane ; ngako oko ke iLizwi ngumthandazo lo.

Andahlukananga nezihlobo ezi zain, noko ndifundayo, zingafundiyo zona. Ndiqondile noko ngoku ukuba akukho, sithintelo sokuba ndingamkeli iLizwi. Ndahlala ke ngoko ndizimisele ukuba ndiya kusala ngenye imini, mhla kuthe kwalunga.

Apha ke phakathi kwasikolo esi, bekumana ukubakho imithandazo ezindlwini zabantu, ngemihla ethile evekini. Bekusakuthi ngamaxa wambi kubekho iimvuselelo ekuthi kuelwe amasinala ancedise, ngakumbi eziya izimpi sezifundela ubufundisi nobuvangelji.

UMfu, uP. J. Mzimba ndakha ndamva ethetha eshumayela esithi, iminyaka yakhe ngoku engumfundisi ilishumi linesihlanu : kodwa kuloo minyaka ingako, akazange aguqule mntu ngentshumayelo yakhe yedwa, angaba unabanye, ukuze abe nokuzuza umphesumlo. Wayethetha ngohlobo lweziphiwo ngeziphiwo.

Ngamhla uthile ke, kub'ekho iimvuselelo phakathi komizi. Naye umfundisi lowo wayeza kubakho, kunye namadodana aseSinafeni.

Kukho enye into ke ebisakuwanwa ngabafundisi, koko ibisakuwanwaka amaXhosa. Loo nto ke kukulila, ubhonge, xa uthi uyazinikela. Kwabanye, umntu uzinikela ethe cwaka, ezinye ke iimvaba aziluqondi olo hlubo lokuzinikela. Enye into ebisakoyikwa ngabantu abangekakhola, yinto yokuba 'uza kubuzwa ukuba uboniswe ntonu na ke, esala nje. Okunene ke le mibuzo ingqonde-ngqonde ziinto eziibe zisakubakho kwabanye abashumayeli nabavangelji.

Nditsho ke, ndithi ndiyile emvuselelweni apho, ndaya ndizimisele namblanje ukuba ndiya kusala xa kuphunwayo. Iintshumayelo zibe kwindawo efanelene nam kanye, ethi, " Ngokholo uMoses uthi akuba mkhulu, akavuma ukubizwa ngokuthi ungunyana wentombi kalfaro,

enyula kanye ukuba aphathwe kakubi ndawonye nabantu bakaThixo, kunokuba axhamle izono okomzuzwana" (*Heb. 11, 24-25*).

Okunene ndisele xa kuphunywayo. Andililanga kuqala; kodwa ndithe ndakuboma iintanga zam zikrozile ukuya emnyango, ndahliwa lusizi, zaphalala iinyembezi. Usikile umfundisi, wandibuza ukuba ndiyazinikela na? Ndithe mna, "Ewe." Undithe chu ngesandla, wandinyusela ngasentla ; kuba ndandihleli ngasemnyango.

Akubuyanga kuthini ke yada yangumhla wokuzaliswa kwam ; umbla endeva ngokuhlwu enkonzweni ukuba umfundisi lowo ufumene unyana. Watsho kwa oko ukuthi, igama lakhe ndithe ngu "Sipho" ; kuba ibingumhla omkhulu kwaba babezafiswa namhlange.

ISAHILUKO X.

UKUYISHIYA ILOVEDALE.

Ukuba seDikeni kwam kundivulele iindawo ngeendawo ezibe ziya kuba ziziva kum, ukuba bezingenzekanga. UKrune, eyona ndoda izala ubawo, ndiqale ukumqonda kakuhle ngeli thuba ndilapha ; kuba ubese'Tyhume (Macfarlan). Waye ngoku seleyindoda enkuhi kanye. Uthe kanti ke seleza kulishiya ihlabathi ngomnyaka we-1895, xa akuma-95 emnyaka ubudala ; wemka eyolele waewangeisa.

Kwangaso esi thuba, ndibe nokwazana ngokusondelelencyo nabaa basundisi bam, uP. J. Mzimba noE. Makhiwane,—abafundisi endaqala ngabo ukuyibona le nto ingumfundisi ; wada wathi okaMzimba yaba nguye ondifa-ka uphawni ndlusana, yaba kwanguye ondingenisa eBandleni.

IBhosolo nalo ndibe nokulazi kweso sithuba seminyaka emithandathu endibe ndiseDikeni. Apho bekukho

inzala yakowethu, eyasalela oko umzi wawusekhona. Kwakukho neqlakra-qhakra lendola, into kaDyoba yasemaCeteni, uMfu. uL. W. Wauchophe ; noMnumzana into kaSinxo, uCharles owaba likhumsha leofisi wada watyiswa umhlala-phantsi.

IRini ndiqale kwakuyo loo minyaka ukulazi, kunye nabantu balo abangabo. Waye kambe ubawo, isizolane sendoda, waba ngumntu wakhona. ICawa (*Port Alfred*) ndilaze kwangelo xesha nalo ngoMnum, uJohn Gaba, umyeni wentombi kaKrone enkuhi. Inewadana engu-*Don Jadi* iyileke kwezo hambo.

Impatho yokuphathwa kwabantu abaNtsundu sisipalati ngezinto zemfuyo, ndiqale kwalapho eDikeni ukuyibona ; ukuqingqwa kwamanani empalda ; isiphiithi-phithi soku-bangwa kwezo ziggithileyo emananini amisiweyo. Ngamanye amaxesha loo mpithi-mpithi wenzelwe czintlanti, ngamanye wenzelwe czindle emadleweni. Ndandiqa la ke oko ukuzibona iziganeko zempi eMhlophe neNtsundu engabamelwane. Zandothusa ; kanti andikaboni nto.

Ekufikeni kwam eDikeni, ndafika kufundwa ndawonye, ngamakhwenkwe aNtsundu naMhlophe. Intle loo nto iyinzuto nengenclo kumacala omabini ; kuba la aMhlophe amakhwenkwe ebephuma aye kuba ziimantyi nabafundisi, nabamashishini aphethe abantu abaNtsundu. Loo makhiwenkwe ke ebekuya kwezo ndawo selemazi umntu oNtsundu, besundene kwasebuncinaneni, ebumandini nasezinzipeni. Ingxolo yempatho ibingengangale siyivayo ngoku. Kunjalo nje, la aNtsundu amakhwenkwe afundileyo ayesazi isiNgesi ukusithetha, neminye imikhwa emihle yamaNgesi, abe akafundanga kuyaphi.

Phambi kokuba ndiyishiye iLovedale, ekupheleni komnyaka-we-1896, uMfu. uJohn Knox Bokwe, igosa elikhulu laceLovedale, wayesel' evela pheshuya, eSikotilani, ngo-we-1892 ; wazenza futhi iindaba zakhona, czimnandi kunene,

nezikhuthazayo. Kodwa kwisithuba seminyaka emine namihlanu emva koko, wabona ukuba ubizo lwakhe lukwene indawo, engeyiyo iLovedale, le ayikhonze iminyaka ekumashumi amathathu.

Kwakufuphi ekubeni ebuyile uMnum. uBokwe Phesheya, mandithi kwangomnyaka we-1893, kuwele uMfu. uP. J. Mzimba esiya kwiJubhu fu ethile yobutyalike babo, ephethe nomicimbi wokuqokelela imali yokwandisa ityalike yakhe. Naye uhole wabuya enazo naye iindaba czimnandi zelo zwe. Naye kwisithuba seminyaka emithathu nemine, sabona ezahlula kwiinkonzo ezinabantu abaMhlophe, eseka eyakhe iNkonzo.

Ndiyishiye iLovedale kukho uNongogwana othile okhoyo ekuthiwa yiTiyopiya. Kanti ke kukuphuma kwamadoda athile amabini eWesile, aBafu. uJ. M. Dwane noM. Make Mokone,—nabo besiya kuzimanya naBandla lithile las-Merika, eli kuthiwa yiA.M.E.C. Yaba sisidube-dube esikhulu eso czingqondweni zabantu, naselunqulweni luhela.

Ndiyishiye iLovedale kuvakala ukuba abafundisi bam banento abayilwayo czintlanganisweni zabo; ndithetha aBafu. uP. J. Mzimba noE. Makiwane. liRamente ezithile azifanele ukuba zibe nabafundisi abaNtsundu. Loo ntetho ke ivela emva kwengxabano engencinane ye-Bandla clinomfundisi othile waseRautini onguEdward Tsewu, owada waroxiswa. Ngathi loo madoda yawakha-thaza loo ntetho, nokuba yayivelaphi na kubani na. Ada enza iintsongelo zokuzahlula kwabaMhlophe, xa kanti iimeko zinje.

Uphumo lukaMfu. uMzimba Iwamisa olunye unyawo kanye kuyo le ntetho, nakwindlu awayeza kuyakha.

Ezi zibe ziziqalo zenimba, ekuthe kanti ndisaza kuchankeatha kuzo nam ngokwam, phakathi kwethu nomzi oMhlophe, embusweni, etyalikeni, emfundweni, nakwintlalo yamakhaya.

ISAHLUKO XI.

NGAPHANDLE ELIZWENI.

Ngoku kwesi sahluko ndinga ndingabetha nje amabal' engwe; kuba bleze ndide ndimdinise umfo wasemzini obendicelile.

Ndiphume eDikeni ndaya kutsho eMonti, ndiye namhla ndithingaza, nding'athi andiyi kubuyela kwasesi-kolweni; kanti okunene kuza kuba njalo. Ndimikwe isi-ko kwaNongqongqo (*West Bank*) nguMfu. uW. B. Rubusana, ngomvuzo kaRulumente oziponti zontandathu, ngekwata, kwathiwa umzi worola wona iiponti zombini. Ndiyamkele le ndawo ngokuhlonela uManeli lowo, eyam ingqondo ingekho konke ekubeni yititshala. Ndifakwe ngamandla nasekubeni ndibhale imicimbi yeentlanganiso zomzi, mhla kuditienweyo. Kuthe kanti kukungena kwam oko kwizinto ngezinto zesizwe, neembambano zabaNtsundu nabaMhlophe.

Ndithe ndifika elizweni, ndabe ndinikwa igama elitsha, lokuba "ndiyiMbongi yakwaGomo." Loo nto iyele ngolu hlobo :

Kuthe ngenyanga yeNkanga, kuwo loo mnyaka we-1897, kwaqalwa iphepha eMonti, kwathiwa liZaei laBantu. Umhleli walo kucelwe uMhlekazi uNathaniel Cyril Mhala, oyinkosi yammaNdlambe eXhibeni kuloGaxa, owa-yefunde eSt. Augustine's, Canterbury. Wayeneediswa ngu-Mnum. uGeorge Tyhanizashe, omnye weemfundsi ezaphumelela iMatriki eLovedale.

Kwamhla ndabhalela kulo eli phepha, ndabhala izibongo ezibini, esithi, *Izze lakwaNdlambe*, nesithi, *uNtsikana*. Ndazithumela ke ephepheni, andabhala nagama lam kuzo, nagama loNobambiso, kuba ndazisa ngokwam ngesiqu. Zithe zingekaphumi, ndeva uManeli uRubusana esithi kum, "Ke wena uya kwaziwa ngokuba uyiMbongi yakwa-

Gompo." Okunene zavela ezo zibongo zinelo gama phezulu.

Yaba yinto enkulu leyo emzini, kwaye kungekho namnye umntu ocinga ukuba ingaba ndim lowo ; ndaye nam ndiloyika elo gama. Yahamba iminyaka kutyholwa abantu ngelo gama. Yadunyiswa, yanconya le Mbongi ngabantu phambi kwam, bengacingi nento ukuba ingaba ndim. Ndada ndakha ndeva uDr. Mqoboli, ebuza ukuba andiyazi na nam ; ndalandula ndabhebhetha. Uthike, ebhekisakumadoda awayelapho, " Ukuba kukho into eyakha yafihla ngamaXhosa, isaliamba yodwa le nto yale Mbongi ! "

Izibongo yinto endayithanda ukuyiva ndisemncinane ; kube mnandi nakum xa ndibongwayo. Ndazibonga nam neenkomo czithile zakowethu njengomal'usi ; ndibonga nezinja, namnye amakhwenkwe. Isuke into ithi qatha engqondweni, ndiyiqhuba ; kanti loo nto iya kukholisa abantu abaninzi.

Kuthe kuphi, yaphuma inkosi ephepheni, kwangena uMnum uA. K. Soga endaweni yayo. Uphumile noMnum, uG. W. Tyhamzashe, kwafakwa mna endaweni yakhe.

IMbongi yeSizwe Jikelele.

Kuthe kuphi, ndazuza clinye igama lenkonzo yobuzwe. Eli ke igama ndalinikwa yindoda endingazanga ndiyibone, umfo wasezintlangeni kwaZulu. Le ndoda yayinguMheli wephepha elithile eRautini ; igama lalo be kuthiwa " Abantu." Ndilibalele elo phepha izibongo zokuphela komnyaka ; phezulu ndibhale " IMbongi yakwa-Gompo." 'Suke iphepha liphume lisithi, " YiMbongi yakwaGompo neyesiZwe jikelele." Itsho yabhala indoda leyo isithi, " Akunakho ukuba saba yiMbongi yendawo enye ; sibone thina ukuba zonke izizwe uzifikelele." Yabhubha indoda leyo ndingazanga ndide ndiyibone.

Ngeli xesha ke sasimi ngezantya, sizama umzi oNtsundu

ukuba umanyane, uthethe izwi clinye, ukhale ngesikhalo esinye embusweni. Intoni ? Akukho nto yakha yawunqabelo umzi oNtsundu njengaloo nto ! Yaye impatho ophethwe ngayo ziidolophu ingeyiyo ; ibe yanek ukuiba ibamanye abantu babe yimbumba, kodwa hayi. Abafundiisi nabo baye bephelelwa bubuhlobo nathi, ngenxa yeenqekeko zaMabandla. URulumente usingene yena ngembumbulu enkulu yobuhlanga, ubuMsengu nobu-Xhosa. Intoni ? Mandiyishiye le ndawo kwelithi, isenguloo mbhodamo ke nangoku. Imvisiwano kuthi ayikho ; siscezisulu zeentshaba zethu. 'Uyazenzela umfo oMhlophe ; athabathe omnye abethe abanye ngaye ; athabathe lowa ngomnye umnyaka, akatse abanye ngaye. Babe baninzi kuthi abathengisa ngobuzwe babo ngenxa yokulamba ; yaye imivizo ibanjwe mpela yona. Neenkomo le yakho, uyithengisa esandesini, phambi kokuba ithethelwe iya kukha ixelwe ukuba le ke inkomo yeyomntu oMyama liwe phantsi ixabiso layo ; phofu igudile, intle ; kube kwayiloo nto ke nakwizilimo nakuboya beegusha. Silw'e silwile njalo needolophu nemithetho-thethwana eziyenza kubantu beelokishi zazo.

EGqunqe Komkhulu.

Kuthe kuphi, ndalishiya iphepha, ndajuba kude kwaCentane. Ngoku ndiya Komkhulu kwaKona, unyana wokuqala kaMaqoma, inkosi kabawo-mkhulu. Ndandizama ukuya kuvala isikhalo sakhe esifuthi, esithi, " Aba bantwana bamaphakathi akowethu bathi bakugqiba ukufunda babhekephi na ? " Livuye lonke elakwaCentane kowethu kukufika kwam. Ndaye ndibambene nalo nelanganeno kweNeiba, baqala bazana ngokutsha. Zibekho nalapha iintlanganiso zomzi zokubonisana, nokucebisana, nokululekana ; kodwa amacebo lawo engavumi ukuphumelela. Ndandizimisele ukuya kuba ngummi aphi, noko ndandingene ngobutitshala.

Kufike enye incwadi emva kwenye, ezivela kubaphathi

bephepha leZwi laBantu eMonti, besithi, "Akukho mntu yini na ukuba sithi sakuba sisundisiwe, sisuke singazikhathaleli izinto eziluncedo esizweni?" Kube mhlophe kum ukuba mandibuyele kwasephepheni. Waye uKona engasekho; onyana bakhe bendithanda, bendixabise kwanjengaye. Umzi wesikolo nawo wawumaunathemba amakhulu ngam.

Ndibuyele kwasephepheni eMonti emva kweminyaka emithandathu ndikwaCentane. Koko ndifike okunene iphepha selinonzotheka, ngenxa yokuswel' inkxaso ebantwini, belithanda phofu ngemilomo. Nangaphaya koko, abongameli balo ababanga namvisisiswano kwbodwa, nangakuMhleli wephewha uMnum, uA. K. Soga. Indlela ke ngoko ibe nye, yeyokuba malivalwe. Lavalwa ke okunene, zanikelwa izishicilelo kubanini-zo, impi eMhlophe.

Komkhulu kuloGaxa.

Iphepha livalwe sendikhe ndabhala, ndashicilelaine wadana egama ndathi, nguSamson ; yashicilelwu elovedafe. Badywidana abantu ngayo yaphela. Baye beyibuka beyithakazelela kakhulu; kuba neenewadi zesiXhosu oko zazingekabi ngakanani. Isamana ukubuzwa nangoku loo newadana kum. Ndithembise ukuba iza kushicilelwu, iimeko zakulunga.

Iphepha elo livalwe cbutsheni bomnyaka we-1910; umnyaka owawufuna kanye iphepha lokunceda abantu, kuba nguloo mnyaka kwasekwa ngawo umbuso wo "Manyano Iwamazwana eAfrika escZantsi."

Ndiphume tina ndaya kuba ngummi kwaNdlambe ndangena kodwa ngobutitshala. Ndawanikwa lula amanxowa namasimi; wavuya umzi kukufika kwam. Ndifike ndema eMncotsho, kuloo lali kaNdayi Tsora, kwinxowa elihle kuncene, ngasesikolweni eso ndibe ndifundisa kuso. Eso siqingatha ke siphethwe eMonti, noko iliQonce elikufuphi. Bakholve kakhulu aBahloli kukufundisa kwam kuzo zonke ezi ndawo endikhe ndabamba kuzo.

Ezi zikolo ndikuzo ke zaseMncotsho zizikolo zehlelo laseTshetshi zozibini. Anjani ke ama'lshetshi ukufuna ukuba mandibekwe izandla nguBhishopu, ndingene kuwo? Ndinjani ke mn: ukusebenza apha, ndivula amabandla akowethu aseRabe apha eMncotsho nasemaTshabo?

Loo nto ke ayathetha mvisiwano. Kukuze owakowethu umzi undicelle ukuba mandiye kuvula kowethu eMpongo. Ndaya kuba khona okunene.

EMpongo ELizweni.

Le ndawana ke ikwakwilizwe larnaNdlambe; kanye aphi uMhlekazi uNdlambe angewatyelwe khona; nalapho avelele khona namawele kaMhala, uMakinana no-Mtshatsheni. Apho abafundisi bokujala bawafikela khona amaNdlambe, zikhona neendonga zeetylile zokujala, phambi kokuba kuze kuqalwa isikolo saseNxaruni (*St. Luke's*), esona sesisesikhulu ngoku kweli lakwa-Ndlambe. Le ntlanjana idumileyo kumaNdlambe onke kuthiwa liXimira : iseMpongo aphi ke kanye.

Lo mzana nawo uphethwe eMonti; koko iinecam ze-Qonce zilapha neenacam zeQumra zikwalapha, yaye ne-Monti leyo ifike apha ngencam.

Kule ndawo andihhlalanga minyaka mithandathu, njengokuba ndenzile kwiindawo endikhe ndaba kuzo. Nde-nze aphi ngapezulu kweshumi leminyaka. Babebaninzi nabantu abaqale ukundazi ndikhona; yathi inxenyne yacinga ukuba lelona khaya lam.

Ndifike aphi kwisikolo esingahlalwa titshala. Isizathu ndihle ndasibona. Andibukekanga aphi ekufikeni kwam nam, njengakwezinye iindawo; phofu bendise ndisaziwa kakhulu ngabantu balapha.

Imisebenzi emible neyamandla ndiyenze kakhulu aphi. Isikolo sinyuke kakhulu, saba kumgangatho esingazanga sibe kuwo. Ndifike abemi abaNtsundu balo mzana abathengileyo bengenazwi nammeli eBhodini (*Village Management Board*). Ndenzile ngamadabikazi amakhulu

kumaBhulu namaJamani, ukuba abaNtsundu nabo bangene babe ngamalungu eBhodi.

Inkonzo ndifike iba neeCawa engangeniyo, ngenxa yezixakeko ezisakuthi zibekho. Andanelanga kuperhelia loo nto ; nditsho loo ndlukazi yaseRabe, ibise ibunxowara yavuka, yazala ngabantu.

Imidlalo yeentsapho ngemihla yeeholide yatsho yanqwe-nisa nabantwana babaMhlophe. Ukwabiwa kwamabhaso, neembutho zokuphela komnyaka, zibe zisakuthi zicelelwizithethi kwalapha emzaneni, okanye kwezi fama zisirawuleyo, ezibe zisakuthi nazozincedise kwizisusa ezikhoyo. NeBhodi yanobuhlobo obukhulu, yanceedisaroko ngemali emidlalweni yeentsapho. Kweza abantwana bakude ukuzakusufuna irnfundo apha. Izikolo zeCawa ziqhubile, kwanamaqela eThemba. Limbutho zeliso lomzi zibekho nazoz. Umzi ukhe wathetha into enye, noko ubuye wa-hlula-hhlula ziintshaba zomntu oNtsundu.

Intshabazib,e ninzi kum apha, koko ngenxa yokuxakcka kwam ngumsebenzi, ndizitywakanisele ndawonye nezhlobo. Itshe loo nto zidideke ! Senza imisebenzi emihle kunene ngeentshaba. Kwaaplha ngoku kwakho nabantwana abayayo ezisinaleni, baphume bafundise, into ebingazanga ibekho apha, ukusa abantwana esinaleni.

Ndibe nguMhleli we“ Mvo.”

Kwesi sithuba kubekho isijingijane esenziwa nguMhleli omdala weMvo, uMnum. uJ. T. Jabavu, sokuthi mandilahle isikolo, ndiye kuthabatha indawo yakhe ephepheni, ngenxa yokungaphili kwakhe.

Ndiyicikide ithuba elinobomi le ndawo, wada naye wacaphuka. Kwizihlobo ezimbalwa endicebisene nazoz, akukho sakha sada saba nobuganga bakundimela ngaphambili ; kodwa ndifunde ukuba lo mntu uthi ngegama elinye, “ Wozibonela umdala.”

Amadoda wona awaba neempendulo ezithe ngqo ngabao bakhe ababini, oyiprofesa nomguMhleli ngoku.

Omkhulu utsho ngamazwi okuyibulela le nto ukuba ide yenzeke ; kuba ubeyicinga esePheshey. Omnye lo wanele kuko konke, waza kuthi xha kwindawo yomvuzo, ubunzima bawo. Lo mvuzo ke yihi awudlulanga nento kulowa wam wasebutishaleni.

Hayi, ndingeniswe nguMnumzana ngomhla othile, wandihlalisa kweso sihlaho sakhe ; ndaqhuba. UMhleli lo uqhubayo ngoku, yena wanikwa icala lokukhupha amaphapha okubiza iimali, waqhuba naye. Savana ngento yonke eyenye sabambisana nangokusong iphepha ngomhla wokuphuma kwalo.

Into eyema phambi komsebenzi wethu yaba yinto yemali okunene ; libambezeleke iphepha, lingaphumi ngo-suku lwalo ; zibe nezikhoyo iimalana zikuinnini-mzi eKingsmead eBreyibhara.

Umhlathi okhe wathandeka kakhulu emzini osekhoyo nangoku, uthi, “ Abantu.” waqaleka ngelo thuba ; omnye umhlathi owavela ngelo xesha othi, “ Ezama-Komkhulu,” watshona wona. “ Incoko ” ndandingumbali wayo kwakude, ibatsala abantu abatsha.

Zithe kanti iiantsuku zoMnumzana lo aziseninzi okunene, Walishiya ilizwe, lalila kakhulu lonke elasemaXhoseni.

Ndiphindile ngoku ndabhungisana nabaninawa aba kwan-gokwam, ndisithi, “ Mandingenzi ubunzima ephepheni, kuba iimali azikho. Mandigoduke ; ndolinceeda iphepha naxa ndisekhaya.” Ibe yitmumelwano entle leyo. Nditsho uRulumente wayebukhali ekutuneni ukuba izaziso zakhe mazibhalwe ngesiXhosa esingenasihlava.

Indodana eyayindibambele eMpongo, umfo owayengazanga afumane sikolo oko wathi waphumelela, waphuma aphi, wathi ngqo wasunana isikolo, asekuso nakusasanje.

uW. G. Bennie.

Sibe nokusondelelana, nokuvana okuthile ngoku, nento kaBhene (W. G. Bennie), eyayinguMongameli waBahloli bezikolo, nomlungelelanisi weMfundu yabaNtsundu, ngo-

kwesi miselo esenziwe ngelo thuba. Kumhlophe ukuba indoda leyo yaba nawo uminqweno wokuba iyihlambulule intetho yesiXhosa, njengoko yayise iyintetho ekubonakala ukuba ayisananzwe bani. Yaye nayo ngolwayo seyilixikosha athi lo abhale ngengqondo yakhe, aze nomnye ayisebenzise njengokubona kwakhe; bekho naba bathi "Mna ndibhalo nje ukuba kuvive loo nto ndithetha yona."

Nditsho ke, ndithi lo kaBhene uzame ukulungisa nokungciba elo xekexwa. Andazi ukuba ubone ntoni na kum; kodwa zib_e liqela izinto athande ukuzibuba kum, eziza kuba luncedo nakwiphepha lakwaRulumente clifundwa ziititshala. Saneedisana ngezinto ezinjalo, kwakuko. Ude ngaxa limbi wandicela ukuguqulela esiXhoseni incwadi yoLimo, eyahlela nguMfu. uW. G. Dowsley waseRini. Sakwenza oko ngemvisiswano; endincedisa nam esiXhoseni; kuba kwakungasekho bani usazi kakuhle.

"ITyala IaMawele."

Kwesi sithuba kanjalo ndizenzele igama kumawethu, ngokubhala nokushicilela incwadana endandingayicingelanga ntweni. Yathi kanti iya kuzivuselela iingqondo zabantu ngasentethweni, nasemasikweni, nasemikhweni, kude kuse ebukhosini besiXhosa. Yazithabatha nezabaMhlophe iingqondo, abasaziyo isiXhosa; ndatsho nam ngoku ndenziwa ingqayi-ngqayi engqathi iyinto. Yafundwa loo newadana nasezikolweni. Mhlawumbi nayo ngeyayingabanga nayo loo mpumelelo ingako, ukuba yayingaphanelananga nokufika kukaMnum. uD. D. T. Jabavu, B.A., ukuvela emfundweni eNgilane. Kwafika into esinxane-lweyo isiXhosa, yayikhuphulula le newadana apho yayithiwe nya khona, yayivakalisa emaphaphepheni kwimihlathi yesiXhosa neyesiNgesi, iyincoma. OkaRoss, uB. J., wenzile naye ukude ayishumayele le newadana naseqongeni lokushumayela, ndingasathethi ke ngalo kaBhene, kuba yena waya kuyihlwayela kulo lonke; ezikolweni ezikhulu nezincinare.

Akabanga sapheza lowo kaBhene ukundikhuthaza ekusibhaleni isiXhosa ngeyona ndlela iyiyo. Saneedisana kwizinto ngezinto; endithembayo ukuba ngezi mini sikumgangatho onguwo ngenxa yakhe, kwanjengokuba noyise omkhulu yaba nguye owasiqalayo isiXhosa ukuba sibe yintetho ebhalwayo. Asikagqibi ke, sisasebenzisana nedoda leyo. Akwaba imigudu yayo ngale ntetho yakowethlu ingaba nemppumelelo!

Ngakwelam icala, zib_ekho nezinye iinewadana endizibhalayo, zithi zimbi ziyiswele imali yokushicilelw, zingaliboni ke ezo ilanga. Ndaye ndikuthambele nokunceda amadodana azama amalinga okubhala.

Ukubizwa nokuphuma kwam eLovedale.

UMfu. uJohn Knox Bokwe, wabuyela kwakowabo eLovedale, ngenxa yempilo yakhe, ukungalungelelani emazweni. Naye ubuye ngoku selesicacelle isiXhosa, waye ke kakade engumlungisi wamakhwiniba aso, kwineywadi ezishicilelwayo eLovedale. Sibe nemvumelwano ke, mna naye, yokuba nam mandizarme ukuba kufuphi, ukuze ezi ndawo sizilungise sikunye, ngakumbi kuba yena impilo yakhe ayisanyumeli kakhulu.

Ndithe ke kuye, "Ndihlala ndihlale ndicelwe apha; koko ndim, andikakulungeli ukuba lapha; kodwa ke ngoku ukhoyo, ndiya kusamkela isicelo esibuye savela, ukuze sisondelelane sisabenze." Ikhawulezisile yona impilo yomfundisi lowo ukuba mbi, wada wasweleka ngomnyaka we-1922, singadibananga senze nto kunye. Noko ke yena wayephethe umsbenzi waMaculo ase-Fritshatshi, benoMnum. uWm. Kobe. Usweleka xa bawathi krelekeqe ukuwaggiba.

Uthe uyasweleka umphakathi lowo, kwakuwo loo mnyaka, ndafikelwa zizipheke-pheke zeengcingo neenewadi ezivela eDiken, zindicelela ukuya kubamba esaa sikolwana sethu noMnum. uNqandela. Ndizamile ukubuzisa kumfo wakowethu obe kuyo loo ndawo; hayi,

akenzanga zwi. Ndaba ndiyangena njalo. Ndiyavuya noko ukuthi, sadibana nomphakathi lowo, sathethana, ndasiva nesizathu sokuba angenzi impendulo.

Ndithe ndifika, wabe umnini-mzi uDr. Henderson ewela naye ngenxa yempilo. Akalibalanga, ubuyile ; saya ke siqluba emzini ngokufanelekileyo. Noko ndandiqonda ukuba indawo enam imbi emzini, kuba iyabaphikisa ababhalu bamabali entlangano yethu maXhosa nabeLungu entlandlelo. Nangaphezu koko, le ndawo inam isalindele kwaba bafundisi bangoku, ezaa zinto zazisenziwa ngabaya bokujala oManeli.

Kubonakele ke ngoko ukuba iimfundiso zam azingqinelani nezomzi lo kwaneenjongo zavo. Kwada ke kwabonakala ukuba mandiphume apha.

ISAIILUKO XII.

ENTABOZUKO

Eli ligama lendawana endihlala kuyo. Ndaphuma eLovedale ndagoduka, ndaya kumzana wam owawusoloko ugeinakele kakuhle eMncotsho, kwizwe lamaNdlambe. Andizanga ndiyekе ukuwurafela. Ndifike nakhona inxowa selixinene yimiizi cfune ukwakha kusuphi nam.

Ndicele ndawo yimbi ngoku, emgama emizini. Ndiye kusibonda, wandithumela kuMkhangeli weeLati. Undidluvisile lowo, wandisa eMantyini ; indiphindise umva imantyi yathi mayive ilizwi labantu belali ukuba bathini na. Abantu belali baphendule besithi, abanakeaso ngokuya kumisa umzi kwam kwisi " Xhobo sika-Tilana." Elo ke ligama ebisaziwa ngalo le nduli ; kwakusakuma kuyo kudala umso wasemaQoeveni ogama beku-thiwa nguTilana. Loo nzala isekho phakathi kobuzwe obu, koko seyisasazeke kakhulu.

Isizathu sam sokuba ndiphume phakathi kwesixeko, ndithe kwiziphatha-mandla ndenziwe kukuxinana kwelali.

Ndaye ndifuna indawo etha gabalala, endiya kuthi ndiyibycle, ndityale imithi nemifuno eluhlaza ebusika nase-hlotyeni, ndibonise abantu bakowethu indlela yokuhlaliwa komhlaba, nokuphilisa kwabo ; ndibe ngumzekelo. Zivuyiswe kakhulu iziphatha-mandla zezi njongo zintle kangaka. Ndayinikwa yonke loo ntaba ; kwathiwa ndokhetha phakathi kwamatye apha iindawo zokulima. Waye umhlaba lo wonke ngathi uziimokolo eziné, koko usisixhobo kakhulu.

Ndiyinike igama elitsha lokuba yi " Ntaba yoZuko," apha ndithembe ukuba uThixo wozizukisa khona ngam, ngoZuko lwakhe, emva kokuhla-ndinyuka kwam, ndizama ukukhonza isizwe nesizukulwana.

Iminyaka ngoku ilishumi ngqungu ndimi eNtabozuko apha ; kodwa incinci kakhulu into eyenzekileyo, neyenzenkayo kwezo nto ndandisithi ndifuna ukwenza zona. Yintoni kaloku ? Ziintswelo. Ndithe kuqala mandikhe ndifundise abantwana, mhlawumbi nabo bang, andineda bakuba bephumele. Andazi ke ; bayaqala ukuphuma emfundweni nokuzisebenzela.

Kanjalo kaloku kowethu ndiyinkulu, into ethetha ukutli zonke iimbedlengana zonzi lo wakowenu, ziya kuziswa kuwe ngangoko zingako. Uza kondla, utyise, unxibe, uhlawule zonke iintlawulo zesikolo. Kodwayazi wazi ngale mihra, ukuba zonke ezo mbedlenga ziyemka kwanhla zafumana ukuba zingaba nakho ukuziphilela ; zingemki nje kodwa—zibe zezona ntshaba zakho zikhoyo phezu kwehlabathi, iintshaba ezikwazi ukuphuma nokungena kwakho, kuba zondliwe nguwe zakhlulela kuwe. Ziyemka ezo kufika ezinye, nezinye, kwanezinye !

Uza kundibusa umfundi ukuba kutheni na, ndimana ukuzankela nje, ndingazigxothi. EmaXhoseni akungebuye wazelwe nto, ukhe wakwenza oko. Xolela oko kuxhwithwa, athi naelowo selelutshaba lwakho oluphandle, mhlala axakekileyo, eze kwakuwe Kufuneka ke ngo-

komthetho ongabhaliwego wesiNtu, umenzele inceba, umambese umyeke ke ahambé ; nokuba uyahlala ke umyeke ahlale ngokuthanda kwakhe ; emke mhla emkayo kwangesizathu esaziwa nguye nezihlobo zakhe.

Nditsho ke, ndithi, zezo izizathu ezibangele ukuba i-Ntabozuko ibe iseyiloo nto yayiyiyo. Mhlawumbi u-Rulumente angabuya abe noncedo kwizinto ezixakekileyo ezinje ngathi nje, axelise ukuba esenza kwabaMhlophe.

Kwakhona kule Ntabozuko ndiphantse ukuba ndibe ndisesazulwini somzi wamaNdlambe, nasesazulwini sama-Nggika onke. Ubukhosí bakwaPhalo kokukhona ndisondelene nabo kaklulu ngoku, ndibukhonza kude kuye kwaGcaleka. AmaRanuga ndiwavelele kakuhle ngoku, nawo. Amadodana asemigodini eRautini ndiwavelela, ndiwayabuzele kakuhle ngoku, ndikunye neenkosi.

Ngoku upphantse ukuba athi wonke umntu, okanye iqela labantu, okanye isizwe esinento esinga ingazuka esiyenza-yo, sindinqwenele ukungi ndingabakho kuloo nto. Okunene ndiye, okanye ndingayi, ngokweengxaki zomntu.

Intlanganiso esakuba Komkhulu eChwaru, ndim oya ayongamele kulunge. Intlanganiso yencosí zonke zo-Mneno weNeiba ikwandim umongameli wayo. Intlanganiso yeSebe loLimo lwatnaNdlambe ndiyongamele ; ndibe kwiKomkhulu lawo, ndingumbhalí wemicimbi.

Nyakana watika unyana omkhulu woKumkani uJoji weSihlanu, kwafuneka ndiye kumbhangabeza kwaseBhayi, kude kuse emaXhoseni. Nyakana wasika umninawa walo, ndenz'e kwanjalo emaXhoseni. Baye bebuliswa ngamagama avela kum. Inkulu leya ndathi ngu "Zwei- liyaz, uza." Inci ndathi ngu " Ngangendlovu." Andisathethi ke khona ngeehambelo zeeRuluneli nezinye izikhulu zasemLungwini ; akukho nkosi ingathandiyo ukuba ndibekho.

Ukutsho ndithi, kuyo le Ntaba, ndisondelene kakhulu nesizwe sethu, kwanesasemLungwini, kwaneemvaba

zonke zamabandla onqulo lukaThixo ophilileyo. UMa-nyano lwaBabhalí beenewadi lundisondeze kakhulu phakathi kwalo,. Kwaye kwiGqugula laBahlaziyi beZibhalo ezi-Ngewele ndingomnye wamalungu.

Njengoko sendikhe ndatsho, le Ntatyana isemendweni phakathi kweMonti neQonce ; kanti ke ikwisithili se-Monti, mna ndingumrafi wakhona. Phofu liQonce cliku-fuphi ngokwesithuba. Indlela kaloliwe kwanomendo weenqvelo neemotho, ucanda kanye entatyameni apha. Umzana waseBerlin osisithuba semayile enesiqingatha, ngupo ophuma iposi yethu, waye ukwanesitishi sikalofifiwe.

Into embi kukuhla kuloliwe uvela kude, uze ubuye uhambe isithuba esingako ukugodu ; abe lo loliwe uhla kuye, eza kuya kugqitha ezantsi kwezindlu ekhaya. Noko ke leyo ayityala lamntu.

UMtshato.

Ngathi ndisekuphetheni kwesi sithuba. Ndiphetha ke umfundsi ndingekamvisi nokuba ndiyindoda eyakha ya-tshata na, nokuba, hayi.

Ewe nditshatile kabini, yomibini yimitshato yesiLungu. Kaloku umKristu nemfundi, ezo nto zombini zidibene. Bekungeze kwenzeke ukuba atshate ngomtshato wesi-Xhosa, nokuba ubesel' efuna. Umtshato wesiXhosa usumane wayinto ephakathi kokugwetywa nokungagwetywa sisizwe sethu esingamaKristu. URulumente yena uwuvumile kwakanye ; akanambuzo ngawo. Kuloko amakholwa kaKristu wona asamana ukuwusinekela, kuba kaloku ayeqale ngokuwulahla kanye, njengazo zonke izinto zethu ezingengewe.

Mna ke, njengomntwana wamaKristu, bendingena-kwenza ngayimbi indlela, nokuba ndiyawabona amandla, nozuko, nobunyulu bomtshato wesiXhosa ; kuba bendi-ngeze ndibe nto etyalikeni. Kungoku endiqondayo ukuba noko kukho ubungxenge-ngxenge, waza noRulumente wabuya wanemithethwana nezimiselo ezimika amandla,

noko angephi, emishatweni wesiXhosa.

Kuqala nditshate ndiselula, ndikumashumi amabini anesine, ndaye nditshata nomntwana ongasemva kum ngeminyaka yosixhenxe. Ngoku ndinengqondo, ndicebisa kakhulu ukuba umfana ayifike iminyaka emashumi mathathu, ukuze atshate ; nentombi inga ingawafika amashumi amabini anesihlanu. Kuba ngeziya iimini bekutshatiswa abantwana, abazali babesakuba besazi ukuba ngabo abaya kuba noliwulo lwezo zindlu.

Nditshatiswe nentombi yaseMantakwendeni, endiqale ukuyibora ubuso kwiiyanya ezentlanu ezidlulileyo : ingumtwana wesikolo saseLovedale, intombi ka Petros Ngxe. UNGxe lowo lelinye lamakholwa kaNtsikana, awawanikela kubafundisi eGwali.

UMfu, uD. D. Stormont, owayeyititshala yam esikolweni, wabonakala ukuba wonwabile ngolu suku, etshatisa umfundi wakhe abebevana. Wafaka iminweba ekwaye kukumbha ibonwayo, etshatisela kwindlukazi ekwenzelwa kuyo iintlanganiso eLovedale.

Kuthe kuphi eminyakeni yasweleka le nkosikazi, kwisithuba esasikwaCentane, eGqunqe Komkhulu. Ndayingewabela kumangewaba oyise eLovedale. Ndihleli iminyaka emithandathu phambi kokuba ndibone inzwakazi enkulu, uNkosazana uAmy Cukudu, i'lshawekazi, intombi kwayesiko lo saseMgwali kaNgqika. Le intokazi yayise ingumuntu, noko othe vetshe, kuba yayiwafikile amashumi omaibni anesine. Unitshato uqhutywe ligora elikhulu laseMonti, eWesile, uMfu, uW. W. Rider. Ndonwabile kakhulu ngexesha endibe ndinalo mfazi, ndingenaxhala ekhaya nokuba sifikelwe ziindwendwe ezizifundi zasemLungwini, nokuba ziinkosi zamaXhosa, ezidla ngokuba ngaMaqaba, kanye namaphakathi azo.

Seyimibini iminyaka ingasekho nayo le nkosazana. Intsatshana ebizwa ngam ke iphakathi kwezi zihlobo zikhulu zam zozibini.

UMqosheliso.

Mhla ndaphuma eDikeni, ukuba namhla ndisiya ezweni, ndaxhoba ndaqiba. 'Suke ngoku ndimiyo kwenzeka, ukuba mandithabathe iNewadi yeeNewadi, ndikhe ndijonge ilizwi lomphako. 'Suke okunene iminwe ityhile kwixekexwa lenewadi endala, neliso lithi mandla ngevesi yeshumi, kwisahluko sesine, kwiNewadi yoMpostile u-Yakobi kubo bonke. Inewadi leyo yayiyeysiNgesi, ithi loo ndawo : "Humble yourselves in the face of the Lord, and He shall lift you up."

Indothusile le ndawo, kuba bendingayazi. Ndanga ngoku ndingakhe ndiyive ngeyakowethu intetho. Ndifike isitsho neyakowethu iNewadi, "Zithobeni emchikveni eNhosi yoniphakamisa."

Ndazishiya apho ezo newadi, ndahamba : yandihlala le ntetho yonke loo mini, neminye imihla emininzi elandelayo, kude kuge lolu suku. Ngoko ke kuyo yonke endenza yona, nendingena kuyo, lo mphako wam awuzanga ulibaleke ; ndaye ndiqonda nokuqonda ukuba uyasebenza uyanceda, uyaphakamisa.

Oko sasingamakhwenkwana kwaCentane, kwakukho intwana, phofu incinane kunathi, ebitmana ukusihlaziya ngezibongwana ezifutshane. Andazi nokuba yayizivela ebantwini, zaziphuma kuyo, kusini na. Intwana leyo iyekaMbamibatho yasemaCireni. Ibisakuthi ke yakufika kum, yenjenje :

"Lugag' olubomvu,
Esaluphosa singamakhwenkwe,
Saluphosa noko sesingamadoda ;
Lility' elingquthu lasemaZiomeni.
Usihlambela bhafini, ngokwenkosazana ;
Usigoxa kamileni ngokwenkososi yomLungu
Ntak' enamandla sisinagogo,
Kuba sibalek' amathumb' elenga-lenga."